

Къурбан садағыларыңызы Аллагъ къабул этсин!



Ассаламу алейкум, уююзге яхшылыкъ!



Читайте новости на сайте
yoldash.ru

ДАГЫСТАННЫ ЖАМИЯТ-ПОЛИТИКА КЪУМУКЪ ГАЗЕТИ

5 июн (къыржан) 2025 йыл №21 (15476)



Бусурманланы инг сыйлы байрамы

Къурбан байрам – гъар бусурмангъа да инг сыйлы байрам ва беш борчну бириси болуп токътай. Шо сыйлы гюн Ораза байрам битип, арадан 70 гюн гетген сонг бола. Чоласы барлар шо гюн гъаж къылмакъ учун Маккағъа барадар.

Россияны бусурманларыны управлениееси билдириген кийде, бу йыл гъаж къылма сюегенлелеге гөрсетилген ерлер 2750-ге кеми-ген болгъан. Россияны муфтийини орнунбасары Рушан Аббасов сейлешивлерден сонг шо санав къошуулгъан ва гъаж къылажакъ россиялыланы санаву 25 минг адам болажакъны айтгъан.

Россияны муфтияты бу йыл «Гъаж Керим» деген инсанлы фонддан таба ийбериленелеге тергев эте. Сулейман Керимов сиптечи болгъан шо фонддан таба 5 минг адам гъажгъа ийберилежек. Дагыстандан гъажгъа бармакъ учун Сулейман Керимов 1 минг путёвка берген ва бу йыл бизин республикадан 10500 адам гъаж къылажакъ. Аслу гъалда гъажгъа бармагъа имканлықълар хас асгер гъаракатда ортакъчылыкъ этегенлелеге, шоланы агълюлерине ва уланларына, давда жанын къурбан этгенлени ювукъ адамларына яратылгъан. Аллагъ къабул этсин!

Маълумат къураллар билдириген кийде, бу йыл 2 миллион бусурман гъаж къылажакъ.

Къурбан байрамны биринчи гюнүнде байрам намаз къылмакъ сюннетдир. Шону да жами-

ят булан бирге межитде къылса, зувабы кёп керенге арта. Эгер де межитте бармагъа бажарылмай буса, уюнде уяягълюсю булан къылмагъа да яратыла. Къурбан байрамны лап да аслу маънасы къурбангъа союлагъан гъайваны яда малны этин яшаву осаллагъа, етимлер бар агълюгеге садаға этилмекдир. Гъакъылбалыкъ болгъан гъар бусурмангъа, имканлыгъы бар буса, къурбан соймакъ сюннетдир. Эгер де имканлыгъы бар буса, агълюдеги гъар адамны атындан соймагъа да ярай. Къурбангъа тюе, сыйыр, оғюз, тана, хонажин, эчки, къой ийимик гъайванланы, къайсын да соймагъа яратыла. Къурбангъа союлагъан тюе беш йыллықъдан аз болмагъа ярамай. Гъайван ва эчки экияшар, къойну йыл битгени де ярай, тек къайсы гъайван да тетиксиз болмагъа герек.

Къурбанны гюн чыкъгъан сонг соймагъа герек. Гюн чыкъгъан-чагъа гъайван союлса, шо къурбан садаға саналмай. Къурбангъа союлагъан этни учь пай этгенде бир пайын оъзю ашаса, эки пайын садаға этсе яхши деп гъисаплана. Байрам гюн оълюени уьстюне барып дуа этмек буюрула. Къурбан байрам – ярыкъ, адамгъа языкъсыныгъа ва оъзгелени гъайын этивге талпындырагъан байрам гъисаплана.

Гъюрметли охувчулар, етишип гелеген сыйлы Къурбан байрамыбыз булан сизин барыгъызыны да гъакъ юрекден къутлайбыз. Къурбан садағыларыңызы Аллагъ къабул этсин! Гъаригизге де наисип, парахатлыкъ ва арты бир де узюлмейген кийдеги кёп-кёп яхшылықълар, сююнч ёрайбыз. Гъар агълюде татывлукъ, берекет артсын, халкъланы арасындагъы бирлик ва татывлукъ кемимесин! Бугюнлерде сыйлы ислам топурагъында, ислам динни бек аявлу ерлеринде оъзлени борчун күтюп къайтажакъланы гъаж на-мазларын Аллагъ къабул этсин!

Гебек КЪОНАКЪБИЕВ,
«Ёлдаш» газетни баш редактору.

БУ НОМЕРДЕ:

Сергей Меликовну
Чакъырывуну
аслу ерлери



3 БЕТ

Ратмир РАСУЛОВ:
«Тас этивлер –
айсениликтеги ёл
берилегени саялы»



4 БЕТ

Аналыкъ капиталны
дагыстанлылар
нечик харжлай



7 БЕТ

Игитлерибиз
бизин булан



9 БЕТ

Мария Захарова - Дагъыстанда



Ольтен жумада Россияны тыш ишлерине къарайгъан миңистерлигини маълумат ва печат департаментини директору Мария Захарова (суратда – ортада) Дагъыстангъа гелди. Ол Дагъыстанны Башчысыны ва Гъукуматыны администрациясыны ёлбашчысыны орнунбасары Рашия Алиеваны, Россияны тыш ишлени миңистерлигини Дагъыстандагъы вакили Марат Османовну, Дагъыстанны маданият министри Зарема Бутаеваны ва Пачалыкъ Думаны депутаты Абдулгъаким Гъажиевни көмекчиси Расул Гайбуллаевни узатыву булан туристлер көп къатнайгъан ерлерде болду.

Сапарын Мария Захарова биринчи жумада Дербентден башлады ва аслу гъалда Къазбек район-

да болду. 1980-нчи йылларында Миятлы ГЭС къурулганда аян болгъан анақълар арадан 40 йыллар гетип, турист маршрутгъа къошуулгъан ва көп адамны тергевюн тарта. Мунда инженерлер адамлар юрюйген «турист сокъмакъланы» генглещидирген, анақъланы биринден бирине чыгып болгъан күйде көпюрлер этген.

Къонакълар «Главрыба» деген паркда болгъан, шондагъы милли ашланы татывuna къарагъан, зоопаркында болгъан ва катерлер булан гезеген.

М.Захарова Дагъыстанда туристлени рази этмек учун гёргюлекен чараплагъа рази къалгъан.

Сапарыны ахырында ол дагъыстанлы ва дагъы да 10 тюрлю пачалыкъны маълумат къуралларыны вакиллери булан ёлукъгъан. Дагъыстанда туризмни оъсююне бакъгъан якъдагъы ишлени яхши юрюлгенин эсгерген ва журналистлени соравларына жаваплар берген.

Бизин мухбирибиз.

ЕРЛЕРДЕН ХАБАРЛАР

Бабаюрт район

Дагъыстанны ушу-саньдадан гетген айны ахырынчы гюнлөрингө ойттерилген чемпионатында адильянгыортлу яш кочаплар гъар тюрлю авурлукъларда ябуша туруп, гёрмекли натижалагъа етишген. Командаланы арасындагъы умуми ярышларда олар биринчи ерини къазангъан.

Озокъда, юрт спорт школада тарбияланагъан ва гюнтувш ябушувланы сырларына тюшюнеген яшланы устюнлюклөрингө ойттерилген. Агъмат Мусаевни уллу къошууму бар. Ону сынаву, тренировкаланы юрютеген къайдалары янги чемпионланы оъсдиорме, арагъа чыгъарма ёллар ача.

Гъали ярышлар тамамлангъан сонг, адильянгыортлу ушу-саньдаистлөр оъзлени алдына дагъы да уллу муратланы сала ва гележекде халкъара турнирлерде алтын медаллар къазанып, ата юртуну атын дангъа чыгъармагъа умут этте.

Хасавюрт район

Ботаюртдагъы ва Костекдеги маданият уййлени къуллукъулары хоншуланы халкъара гюнюне байлавлу шатлы байрам чараплар ойттерген. Эки де юртну жамаатларыны арасындагъы илиякълы, исси ва дос аралыкъланы шартларында юролген ёлугъувда йырлар чалынды, таъсирили сыр чечивлөр ва лакъырлашывлар болду, къужурлу яшав ағвалатлар эсге алынды.

Хоншуланы гюнү бизин уылкеде Россияны пенсионерлерини союзуну сиптекилиги булан 2006-нчи йылдан тутуп белгилине. Аслу мурады – аралыкъларны беклешдирмек, умуми масъалаланы арагъа салып ойлашмакъ, четим, къыйын мюгълетлерде бир-бирине көмеклешмек, табылмакъ. Къумукълар да биринчилердин къуллукъында берли хоншу аралыкълагъа айрыча ағамият бере гелген ва оъзлени айтывларында «Арек къардашдан ювукъ хоншу яхши», «Абзар алгъанча, хоншу ал» деп неғъакъ эсгермеген.

Районда халкъара гюнню Къазмаавулда ва Сулементде де къарышылагъанлар.

Буйнакск район

Бугюнлерде уылкени тахшагъары Москвада, ВДНХ-ны лап уллу майданчаларында ойттерилген Яшлыкъыны фестивалында Атланавулдагъы Йырчы Къазакъыны атындагъы гимназияны охувчу къызы, «Биринчилени гъаракаты» деген ерли жамият къурумну председатели Амина Мусалаева да ортакъчылыкъ этген.

Фестивальгъа уылкени бары да регионларындан 26 тыш пачалыкъдан гелген яшланы алдында къутлав сёзю булан Россияны Президенти В.Путин чыгып сёйлелеген. Яш къонакълар учун, олардың даимге эсендө къаллардай ойтесиз къужурлу программа гъазирленген. Белгилүү алимлар, спортсменлөр, артистлөр ва йыравлар буланып ёлугъулардан къайры, гъар тюрлю конкурслар, оюнлар, мастер-класлар юрологиян.

Амина Мусалаеваны районнан, республиканы билим тармагъында чалышагъанлар яхши танылар. Ол охувчу яшланы арасында ойттерилген хыйлы олимпиадаларда, конкурсларда алдынлы ерлени алгъан. Артдагъы гезик Уллу Устюнлюкюн 80 йыллыгъына багъышлангъан конкурсда ол онгаргъан «Давнү гъакъында гъали де бары да зат айтылмагъан...» деген видеоролиги учун, Дагъыстанны билим берив министерлигини диплому булан савгъатлангъан.

Алав АЛИЕВ.

Яшлагъа савгъатлар гелтирди

Июн айны 1-нде Дагъыстаннын загъматгъа ва социалный якъдан оъсювге къарайгъан министри Магъамматзагыт Кихасуров Буйнакскиде болду ва гиччи яшланы республика уюне гирип, мунда турагъан гиччипавлагъа савгъатлар берди.

Яшланы якълавну Халкъара гюнүн Буйнакскиде къужурлу ва яшлагъа пайдалы көп тюрлю чараплар булан белгиледилер. Шагъарны уллу майданында яшлар бојайлар булан сурат этивге,

лагъа савгъатлар алып, етим ва зайып яшланы заманлыкъгъа сакълайгъан республика уюне гелди. Буйнакскиде шо ожакъ тездөн берли бар. Бу ерге «детдом» деп айтылып къала, тек онда турагъан яш-

лашды. Сонг яшланы уюню эркин абзарында да гиччи-рекусв концерт ойттерилди.

Ойксөз яшлагъа эринмейталмай къуллукъ этеген шо ожакъны вакиллери менин министри янындан разилик сёзлөр айтылды. Озз гезигинде яшланы уюню ёлбашчысы да оғъар заман табып гелгени ва яшлагъа савгъатлар гелтиргенин учун баракалла билдири.



бийивлеге, спорт ярышлагъа къуршалды. «Таза юрек» деген сахаватлы фонд олажа татлиликлөр ульещи. Яшланы яратывчы пагъуларын артдырагъан ерли школалар охувчулары гъар тюрлю макъамлар сокъду, йырлар йырлады. Шатлыкълар ахшам болгъанча узатылды.

Шо гюн ДР-ни загъматгъа ва социалный якъдан оъсювге къарайгъан министри М. Кихасуров бир нече жаваплы ёлбашчылар булан биргэе яш-

ланы адамлары ёкъ тююл. Чарасыз гъалгъа тюшгенлер яда башгъа ульзору себепден яшина къарап болмайгъанлар олары сакъламагъа мунда гелтирип заманлыкъга бере.

Къонакъланы шо ожакъны ёлбашчысы Т.Магъамматов къаршылады. Бир башлап министр оъзюн узатагъанлар булан бирчө яшлар юхтайгъан ва ойнайгъан уйлеке къарап чыкъды, онда ишлейген тарбиялавчулар булан гъал-

ло. Шо гюн мундагъы яшлагъа савгъатлар алып, Къызыл Хачны Дагъыстандагъы регион бёллюгюнү ва асерчилени ишлерине къарайгъан Буйнакскидеги 522-нчи ахтарын бёллюкюнү вакиллери де гелген. Олай да, бу ожакъга Дагъыстанда яшланы ихтиярларын якълавгъа къарайгъан вакили М.Ежова эки гюн алда иш сапар булан гелген болгъан.

Гъайбулла ГАЙБУЛЛАЕВ.

Сергей Меликовну Чакъырывуну аслу ерлери

Дагъыстанны Башчысы Сергей Меликов Халкъ Жыйынгъа этген Чакъырыву янгыз депутатлагъа тюгюл, аслу гъалда савлай республиканы халкъына, Гыкуматына, муниципалитетлени башчыларына эди. Озокъда, шо биринчилей, гётерилежек масъалаланы чечежек адамлагъа тие. С.Меликов шоланы бирлери гетген йылгъы Чакъырывунда да гётерилгенн, шолар да, бугюн айтлыгъанлары да гележекге гээ алгъа тутулгъан масъалаланы аслулары экенни де билдирди.



— Биринчилей, гётерилгэн масъалалар адамланы яшавун яхшылашдырмакъ учун тезликде чечилме герек, — дей С.Меликов. — Шогъар заман да герек ва тындырыкълы ишлеме де тарыкъ. Ишлер тюзевлю юрюлсүн учун айланада парахатлыкъ, татывлу миллет ара-лыкълар ва бирлик болма герек.

Хас асгер гъаракат

Чакъырывда айтлыгъандай, бугюнлөрдө юрюлюп турагъан халкъ асгер гъаракат яшавну кёп янларына тийди. Артдагъы 3 йыл айланадагъы пачалыкълар биригип билдиргэн къаршы санкциялар элибизни тобукъгъа салма къарады, тек бажарылмады. Шо къыйынлыкълар адамланы сый-лашдырды, бирикдирди, экономикабызын алгъа юрютдю. Натижада, миллетчилер бойлагъан ерлер азат этиле бара ва ерли халкъгъа яшав болдурула. Давлар къурбансыз болмай, шоланы ва дав агъвалатларда ортакъчылыкъ этегенлени агълюлерине этилген кёмек инг сыйлы борч

булуп токътай. Дагъыстанны «Все вместе» деген фондуундан таба адамлары оылган агълюлөгө 265 миллион манатгъа кёмек этилген.

— Дагъыстангъа кёмек этмеге деп тапшурулгъан Михайловский районда гетген йыл 10 яшавлукъ идара пайдаландырывгъа берилген, шолар - школалар, яшлар бавлары ва больницалар, - дей Сергей Алимович. — Шолай да 7 кёп къабатлы уйлер ярашдырылгъан, МФЦ ачылгъан, демек, бизин кё-мегибиз дагъы да узатылажакъ.

Экономика ва туризм

Савлай Россияда йимик Дагъыстанны экономикасы да 6 процентте оьсдю ва алдынгъы 15 регионну сыйдышларына гирди. Бюджетте налоглардан 18,8 миллиард манат гелтирилген. 2030-нчу йыл болгъанча этилме герек масъалаланы яшавгъа чыгъара туруп, экономиканы дагъы да 1,5 керен артдырма тарыкъ экени де айттылды.

— Гыисапгъа алынып ишлейген далаатчылагъа кёмек этилежек ва

тергев артажакъ, — дей С.Меликов. — Гъали де гёленткини тюбюнден чыкъмагъан кёп иш къурум бар. Таза ишлейгендеге енгил налоглар гёрсетилежек. Уллу за-правкаларда 1 адам яда ресторанларда 3-4 адам ишлеме болмай чы. Биз далапчылыкъга къаршы тюгюлбюз, таза ишлейгендени яныбыз. Денгиз ягъада ва башгъа ерлерде карьерлер ачагъанланы иши республиканы экономикасы учун пайдалы болма герек.

Юрт хозяйство малланы болдурув йылдан йылгъа арта, 2024 - нчу йыл 6 % оьсген, интенсив къайдада салынагъан бавлар йылдан йыл кёп бола, тек болдурулгъан малланы сакълав ерлер аз. Элибиздеги юзюм бавланы 26 процента Дагъыстанда, йыл сайын гелимлер арта, тек ишлетме ерлер ёкъ экенге, шолар республикадан тышгъа гете.

Яшавлукъ, транспорт ва ёллар

Дагъыстандагъы савлукъ сакълавгъа ва билим беривге де тергев артгъан, тек школаларда 500 му-аллим етишмей. Артдагъы 4 йылны ичинде 22 минг ери булангъы 54 школа, 10 минг ери булангъы 69 яшлар бавлар ачылгъан. 352 школа ва 64 яшлар баву мукъялтлы ярашдырылгъан. Бу йылны ахырына дагъы да 17 школа ва 2 яшлар баву ачылажакъ. Бу йылны школаланы ярашдырымакъ учун 800 миллион манат гёрсетилген.

Токтавсуз юрюлеген къурулышланы гъакъында айта туруп, С.Меликов Дагъыстанда законсуз къурулгъан уйлени санаву 1700-гө ювукъ экенин эсгерди.

Артдагъы йылларда 62 чакъырим ёллар 4 машин юрюйген къийде этилген, дагъы да 100 чакъыримгъа этилежек. Бу ишлерде Сергей Меликов Дагъыстанны транспорт ва ёл хозяйство министри Жамболат Салавону къастыгъын эсгерди. Ол Магъачкаланы ёлбашчысына тах-

шагъардагъы маршруткаланы ва башгъа транспортну бир ёрукъгъа салмакъын тапшурду.

Сергей Меликов жаваплы къуллукъдагъылагъа Каспий денгизини бою булан къурулгъан къурулушланы законлукъ янын тергемекни де тапшурду. Айыплылар такъырланма герекни де эсгерди.

2024-нчу йылда туристлөгө 22 миллиард манатгъа къуллукъ этилген, шо буса алдагъы йылдан 5 миллиардгъа артыкъ. Шолай да янгы, туристлени тергевион тартар ерлени онгармакъ учун инвесторлар булан сейлешивлөр этилинген. 2027-нчи йылны ахырына «Кавказ.РФ» деген жамият къурум туризмни оьсювюне 14,6 миллиард манат салма токътшашгъан.

Янгы проектлер ва программалар

Дагъыстанны экономикасын гётермек учун къабул этилинген ёллар бар, шолар - авиация къурув ишлөр, электроника, енгил ва шиша промышленност, пилотсуз учагъан алатлар къурув, милли халкъ саният. Дагъыстанны Башчысы айтагъан къийде, шоланы уллу пачалыкъ компаниялар булан бирикдирип ишлемекни гъайын этме тарыкъ. «Озон» деген компания республикагъа 9 миллиард манатгъа инвестициялар этежек, гелеген йыл йылда 48 миллион къызыл керпич этеген завод къурулажакъ. Шолай ишлер ичеген сув масъаланы чечме, энергетикадагъы кемчиликлени тайдирма, насланы ишлетеңген заводланы тамамлана, уллу ша-гъярларбызын айланып этеген ёлланы битдиригемеге кёмек этежек.

Озокъда бир газетде бары да затны айтма бажарылмай. Толукъийде Дагъыстанны Башчысыны Чакъырывун тюпдеги сайтдан охума боласыз:

<https://nsrd.ru/deyatelnost/news/news/4835/>

Гебек Къонакъбиев.

Кавказ республикаланы яшаву аян этилежек

Темиркъазыкъ Кавказда ерлешген республикаларда «Кавказ подо мною» деген федерал проект яшавгъа чыгъарыла. Гетген жумада эсгерилгэн проектни гъаракаты Дагъыстан Республикада да оъзюню ишин башлады. Шогъар байлавлу болуп алдагъы гүнлөрдө «Дагестан» деген маълумат агентлигинде проектни ёлбашчысы Мария Дудко ва блогер Ромина Багери журналистлер булан ёлугъув оътгерди. Ёлугъувда Дагъыстан Республиканы маълумат ва печат агентлигини ёлбашчысыны биринчи заместители Рустам Жалакъов, ДР-ни туризмни ишлерине къарайгъан министрини заместители Анна Безрукова да ортакъчылыкъ этди.

«Кавказ подо мною» деген проект Темиркъазыкъ Кавказны республикаларын халкъара ойчевде аян этмек, Интернет торундан ва телеберилишлөрден таба маданият ва туристлик имканлыкъларын гёрсетмек, гъакъытатгъа къыйышмайгъан яла ябывланы ёкъ этмек деген муратда юрюле.

Проектни Дагъыстан Республика байлавлу бёльгөюн иранлы блогер Ромина Багери ва дагъыстанлы студент улан Амир юрютежек. Ромина Багерини ютуб ва башгъа Интернет сагын-фаларында 4 миллион аудитория-

сы бар. Амир буса Дагъыстанны тарихин, адатларын, маданиятын яхши биле.

Мария Дудкону айтывуна гёре, Дагъыстанда чыгъарылагъан видеоларда бизин республиканы герти яшаву, адатлары, гёzel табиаты ва эл арада айтлыгъан къюнакъыны сюегенлиги гёрсетилежек.

Анна Безрукова буса, Ромина Багерини негъакъ сайламагъанлыгъын эсгерди. Ону сёзлери не гёре Иранны ва Дагъыстан Республиканы маданияты да, халкълары да ошашлы. Бизин Иранны, уллу

туризм тармакъда агъамияты бар. Озюю Ромина Багери буса, Дагъыстанга бир-нече гезик гелгенд. Бизин табиатын, халкъны бек ушатгъан. Съёмкаларда кёп сюоп ортакъчылыкъ этмеге ва Дагъыстанны бар къийде инг де яхши янларын гёрсетмеге сёз берди.

Эсгерилгэн проекттеде гёрсетилежек видеолар белгилүү Солакъ къолда, Дербентде ва Магъачкаладагъы Уллубий Буйнакскийни атындагъы орамда чыгъарыла-жакъ.

«Кавказ подо мною» деген медиапроект маданият сипатлени

Президент фондууну якълаву булан оътгериле.

Конференцияны ахырында Рустам Жалакъов медиапроектни ортакъчыларына баракалла билдирилди ва ону яшавгъа чыгъарывда устюнлюклөр ёрады. Шолай да, ол Дагъыстанны бары да гёзеллигин гёрсетмө бажаражагъына умут этегенин эсгерди.

Медиапроект умуми алгъанда Темиркъазыкъ Кавказны 7 республикасыны яшавун аян этежек.

Патимат БЕКЕЕВА.



• 5-нчи июн – Россияда экологну гюню

Ратмир РАСУЛОВ:

«Тас этивлер – айсениликтеги ёл берилегени саяльы!»

Балыкъын – сув, къушгъа – гъава бошлуғъу, къыр гъайванлагъа, жан-жанываргъа – авлакълар, агъачлықтар, тавлар нечик герекли буса, адамлагъа да ана эли шолай аявлу. Айтагъаным, табиатны аманлыгъын къоруп сакълав бизин къайсыбызгъа да оъз Ватанын якълав болагъаны гъакъда унутма тюшмей.

Адамланы яшав-туруш отавларында йимик, табиат байлыкъларыбызын пайдаландырывда да жамият низамны болдурув, пачалыкъ законлагъа гъюрмет булан янашыв гъажатлы.

Гъали-гъалилерде ДР-ни табиат байлыкъларыны ва экология министерлигини башчысы Ратмир Расулов республикабызыны маълумат къуралларына берген баянында шо гъакъда хабарлады. 2025-нчи йылгъа белгиленген борчланы гъакъында эсгереп туруп, соравлагъа да жаваплар къайтарды.

– Айланы якъдагъы экология гъалны ёрукълашдырывда яшав-лукъ-коммунал тармакъда ва шолай да производствода къатты къалды-къулдуланы ташламай жыйып, айрып ишлетивге тергев арта. Шоланы асувлу күйде къоллавну масъаласы алда йимик буыл да бизин алдыбызды асуул борч болуп салына, – деп башлады оъзюню баянын Ратмир Нуралиевич.

– Бизин аманлыгъыбыз табиатда йимик, жамиятны ичинде де гертиден де, тазалыкъны болдурувдан башлана. Тазалыкъны къорув буса бир гюнлюк иш тюгюл.

– Ратмир Нуралиевич, аманлыкъ учун белгиленген агъамиятлы проектлер нечик яшавгъа чыгъарыла? Тазалыкъны болдурувгъа байлавлу гъалиги заманда не йимик чарапар оътгериле?

– Бизин регионда айланы якъда тазалыкъны болдурувгъа байлавлу болуп ДР-ни Башчысы Сергей Меликовну сиптечилиги булан айрыча борчлар белгиленген. Дағыстанны башгъа-башгъа байларында къатты къалды-къулдуланы айрып ишлетеген 6 заводну къурма ва пайдаландырывгъа бермеге гёз алға тутулгъан. Белгиленген борчланы болжалларын бузмай яшавгъа чыгъарма къаст этиле. 2024-нчи йылда шолай завод Хумторкъали районда къуралуп пайдаландырывгъа берилди. Гъали эсгерилген заводда йылда 300 минг тон къалды-къулдуланы ишлетмеге имканлыкълар яратылынгъан.

2025-нчи йылны ахырына ерли Дербент, Къарабудагъент ва Хасавюрт районларда да къурулушларын битдирип дагъы да 3 заводну пайдаландырывгъа бермеге умут этиле.

– Ратмир Нуралиевич, Дағыстанны табиат байлыкълары кёп. Сувланы тазалыгъы булан дағыстанлы къоллавчуланы савлугъу да тыгъыс күйде

байлавлу тюгюлмю?

– «Экология аманлыкъ учун» ва «Лап да тарыкълы сув гъавузланы къоруп сакълав» деген федерал программаларда гёрсетилинген борчлар бизин регионда да яшавгъа чыгъарыла. Дербент ва Къялгент районларында дазу бойларында ерлешген сув къыт болгъан. Аччы (Папас) кёллени тазалавгъа ва сув майданларын генглешдиривге байлавлу тийишил чарапар гёрюлгени гъакъда айрыча эсгереме тюше. Неге десегиз, эсгерилген бойгъа оътген йыл айрыча къуралуп табиат эсделекни аты да (статус) берилди.

Аграфан къолтукъда, тахшагъыбызыда ерлешген Акъ Кёлде ва оъзге сув гъавузларда да тазалыкъны болдурувгъа байлавлу чарапар оътгерилди. Бара-бара, кёллени сув майданлары да ерине геле, къолайлаша. «Мени Дағыстаным – мени сувларым», «Таза сув» деген регион ва федерал программаланы ойлчевонде шагъарлагъа ва юртлагъа янгы сув быргъылар тартыла. Шо да къытлыкъдан түвүнүн къысташуулу гъаллана ёрукълашдырма кёмек эте.

– Табиат байлыкъларыбызыны арасында ерли маъданларыбызыны пайдаландырывну ёргуу бузулагъаны гъакъда бизин редакциягъа да тюзлюк бойдагъы районлардан арзалар геле. Ииберилген кемчиликлени алдын алмакъ учун не этмеге хыял бар?

– Ертюп маъданланы гъакъында сөз юрюле болгъандан сонг шоланы къысматына байлавлу биз эки масъаланы устьюнде иш гёргемеге герекбиз. Биринчиси – ерли маъданланы пайдаландырыв булан машгъул болагъанланы толу күйде ачыкъгъа чыгъарып шагъатнамаларыны болжалларын аяналашдырма борчлубуз. Шону натижасында, ихтиярсыз иш гёргеген тайпаланы алдын алмагъа хыял этиле. Экинчиси десегиз, озокъда, айланы якъдагъы къол-



лавчуланы талапларын къыйыкъытмай ерли маъданлардан гъазирленеген къуралуп маллар булан таъмин этмеге герек. Регионнан къоллавчуларына тышдан ташылып гелтирилген маллардын устьюнде ёл гъакъ да къышулуп багъа олтура. Шо масъаланы устьюнде ишлейген регион ва федерал къуралуп вакиллериден къуралуп тармакъара комиссияны ортакъчылары гъазирлеп бизге тапшурагъан билдиривлерине гёре табиат байлыкъларыбызыны къоруп сакълав прокуратурасы булан байлавлукъда тийишил чарапар гёрюле. Сонг буса, законъа гъюрметсиз янашагъан тайпалар жавапгъа тартыла.

– Шагъарланы ва юртланы айланасындагъы агъачлықъларда адамлар учун ял алагъан бойлар белгиленген. Осьеген оъсюмлюклени, къыржанланы яшав-турушуна къоркъунчлукъ тувлунмаймы?

– Буйнакск шагъарны айланасындагъы агъачарада ял алагъан ер айрыча къуралуп табиат байлыгъы гисапда белгиленди. Озокъда, оъсюмлюклени, жанжаныварларын къоруп сакълавгъа айрыча тергев бакъдырылажакъ. Зарал этегенлер де гъавчулукъ хозяйствоволаны, бизин ерли къуралупыбызыны янындан жавапгъа тартылажакъ. Буйнакск бойдагъы айрыча къуралуп табиат ерлени умуми майданы да уллу, 1029 гектарлагъа етише. Республикалыкъ оъзге бойларында да табиат эсделеклер гисапда белгиленген байлыкъларыбызы заралга тарымасын, от тюшүвлөгө ял берилмесин учун гъай этиле. «Экологияны аманлыгъы» учун деген федерал программаны талаплары тергевсөз къалмай.

– Ратмир Нуралиевич, табиат байлыкъларыбызыны къоруп сакълав сыйлыва жаваплы борч. Тас этивлени алдын алмагъа байлавлу ерли муниципал къуралуплары булан байлавлукъда иш нечик юрюле?

– Бизин республикабызында маданият варислигине гиреген 2 мингден де кёп табиат, тарихи, дин варисликлеребиз бар. Башгъа-башгъа муниципал къурал-

лавларында гысалгъа алынгъан варисликлер барысы да бирни йимик пачалыкъ агъамияты буланын къуралуп тарифтеги түркүлдүрүлгөн туризм да оътке. Оланы агъамиятлыгъыны гысалгъа алып, озокъда, ДР-ни туризм ва халкъ саниятларыны министерлиги булан хас эсделек кагъызлар гъазирленип муниципал къуралупларына йибериле. Агъач, топурак, сув байлыкъларыбызыны къысматын къыйыкъытмайтагъанын къаршы оътген йыл 200-ге ювукъ протоколлар къуралуп. Айыплылар административ ва суд къурумларында жавапгъа тартылгъан.

– Жазалавдан эсе англатыв ишлени генглешдирив табиат байлыкъларыбызыны къорувда асувлу болмасмы? Айтагъаныкъ, зарал болгъан сонг табиат байлыкъланы тас этивлерден къоруп толумлашдырма яңгыртма къыйын тюгюлмю?

– Бизин республикабызында яшайгъан уллу ва гиччи ватандашларыны экологиягъа байлавлу тарбиясын, билимлерин камиллешдирив асувлу экени инкар этилмей. Россияны оъзге регионларында йимик, Дағыстанда да экология дарсланы оътгерив мердешлене геле. Республикалыкъ шағъарларыны ва юртларыны айланасындагъы табиат байлыкъларыбызыны къысматы къыйыкъытмасын учун ял алыв бавланы-паркланы пайдаландырма мадарлылагъа Буйнакск райондагъы янгы сыйнавну уйренмеге оъзге муниципал къуралупларына да таклиф этилген. Табиат байлыкъларыбызы айрыча къуралуп бойларда ерли халкъга ва туристлөгө ял алмагъа, шолай да савлугъун, билимлерин камиллешдиригемеге имканлыкълар яратыла. Онгайлы къуллукъланы, тюкенлени, сув жыйылагъан гъавузларын болдурувгъа да арт бермеге тюшмей. Жавалукъ уйлени, айрыча есلىдеги дачаланы ва оъзге тюрлю объектлени къуралуп табиат ерли гъакъимлик къуралупларын янындан ёл берилдерен пачалыкъны ва халкъны пайдаларын якълап этилмегени англашыла.

Лап да аслусу, регионну муниципал къуралупларында башалман күйде амалгъа гелеген чёп тёбелени низамгъа салма тарыкъ. Къалды къулдулар булан зараллангъан, от тюшүвлөрден сонг табиат байлыкъларыбызынын янгыдан яшавгъа къайтармакъ учун хайлы заман, гюч ва харж тарыкъ болажакъ. Шону англамайгъанланы жавапларын тарыкъ да тас этивлени алдын алмагъа бажарылмайгъаны аян. Бары да тас этивлер айланы ягъыбызыда жавапсызлыкъдан ва айсениликтеги ёл берилегени саялы тувлуну.

Гъазирлекен
Къ. Къараев.

БИЗИН МАЪЛУМАТ:

2024-нчи йылда республикабызыны табиат байлыкъларыны ва экология министерлигини сиптечилиги булан сув байлыкъларыбызыны къорувну низамын бузгъанлагъа къаршы 135 къарар къабул этилген ва айыплылар жавапгъа тартылгъан.

Табиат байлыкъларыбызыны заралланырғаны саялы къоду салывланы гъагъын төлөмейгенлөгө къаршы 30 протокол язылгъан.

Оътген йыл айланы якъыны аманлыгъына байлавлу болуп, къурумланы ва айрыча адамланы янындан гелген 30 минг арза гынсангъа алынгъан ва къаралгъан.



Къоччакъ къутгъарывчу

Параатлықъда юрюлюп турагъан яшавда да, эсде-пусда ёкъерде болуп къалгъан табиат хатарбалагыны вакътисинде де, давнуш заманларында да ватандашланы аманлығыны ва савлугъуну гъайын этип чалышагъан къуллукъчуланы борчлары юз-минг ке-ренлер арта. Оланы шо ерге тезликде, гечикмей етишип болмакълыгъы, къоччакълыгъы, касбу усталыгъы ва бажарывлугъу асрулар боюнда адамланы яшама ругъландыра гелген. Халкъга къыйынлы гюнлер гелгенде олар бар-ёкъ гючлерин жыйып, гиши инанмас игитлик гёрсетип балагъга тарыгъанланы къутгъармакъ учун жанын да аямайлар.

Уллу Ватан давну йылларында фронтдагъы медицина къуллукъчулар, санитарлар герти игитликлер гёрсетип чалышгъанын биз уллуданы хабарларындан эшитип де, китаплардан охуп да билебиз. Яралыланы ажжалны къолундан чыгъарып алыш, олар учун къанын да берип, жанын аямай, къоччакълыкъ гёрсетип къуллукъ күтеген къутгъарывчулар бүгүнлерде де аз тюгюл. Олар Ватанны алдындагъы борчларын намусу булан күте туруп, яра тийип яшавдан умут узгендени юреклерине инамлыкъын оъзекли бүртюклерин сала, гъасиретлигин артдыра.

Буйнакск районну Янги Къумукъ юртунда яшайгъан Магъаммат ва Зарема Абдурашитовланы агълюсюнде эки къыздан сонг 1999-нчу йыл 6-нчы февральда тувуп оъсген, тарбия булан билим алгъан ва бүгүнлерде асгер бўлуклерде къуллукъ этип турагъан Бадрутдин Абдурашитов шолай намуслу ва къоччакъ уланланы бириси. Ата юртунда 9 класны охуп битдириген сонг ол Буйнакск шагъардагъы юрт хозяйство коллежге тюше. Мунда охувуну бир йылы битип турагъанда ону асгерде къуллукъ этме чакъирапар. 2019-нчу йыл ол йыракъдагъы Бурятстан Республикада ерлешген мотострелковый бўлуклерде къуллукъ этмеге башлай ва асгер къуллукъни ушатып контракт байлай.

Украина бойда башлангъан хас асгер гъаракатны биринчи гюнлериңден тутуп Бадрутдин Абдурашитов Донецк Халкъ Рес-



публикасында миллетчилеге къарши юрюлеген ябушувларда ортакъчылыкъ этип, оъзюн тартынывсуз, къоччакъ асгерчи гъисапда танытма бажара. Оътген йылларында ичинде огъар ёлдашлары булан бирге Луганск Халкъ Республикада, Запорож, Херсон областларда хас машин буланда, машинсиз де яра тийгенлени къутгъарывчусуну авур борчларын күтмеге тюшген.

Ол хабарлайгъан күйде, хас асгер гъаракат юрюлюп турагъан бойну ал сыйдымларында яратийген асгерчини къутгъармакъ муратда, алдынлы техника алатлары яда буса кёп уллу гючлени къуршамаса бажарылмай. «Шолай этмеге аз да имканлыкъ болмайгъан гезиклерде бизге бар-ёкъ бажарывлугъубузну къоллап, сакълыкъ ва гъилла булан иш

юрютме тюше. Айры гезиклерде яралыны токътагъан ерин алданокъ билип, сюйкеле-тура бешалты чакъырымгъа барып, ону усталыкъ булан носилкада ятдырып, шо меселде гётегирип чыгъарыган заманларыбыз болгъан. Бизин борчубуз яралангъан асгер къуллукъчуланы къоркъунчлу ерден чыгъарып, яшавгъа умутун сёнме къоймай, медицина къуллукъчулагъа тапшурмакъ», – деп хабарлай ол.

Бадрутдин Абдурашитов Украина бойда юрюлеген хас асгер гъаракатда ортакъчылыкъ этип туруп оъзюн кёмеги тийген яралыланы санавун юрютмей, огъакъда оъзюн сорав бергенни де ушатмай. Ёлдашларында да, оъзюн де ортакъ къасты-гъаракаты булан къоркъунчуз ерге чыгъарма бажарылгъан асгерчилени савсаламат болуп гёремекни ол уллу устюнлюкге санай. Ярты-ярым болса да, савлугъун тас этсе де гъар асгер къуллукъчу Ватанны якълавчуларыны, сакълавчуларыны сыйдымларында экенин ол яхши англай.

Бадрутдин Абдурашитов асгер борчларына уллу ва жаваплы ишге йимик янаша. Шо себепли болма да ярай огъар «Асгер къурдашлыкъны беклешдиргени учун», «Украина бойда юрюлеген хас асгер гъаракатны ортакъчысына», «Къоччакълыгъы учун» ва Россияны Президенти В. В. Путинни 2024-нчу йылны башында чыкъган Указы булан «За спасение погибших» деген медаллар тапшурулгъан.

Бары гъюнерин салып, къанын жанын аямай юрютеген инсаплы иши учун берилген савгъат Бадрутдин Абдурашитовну ювукъ адамларын, ата-анасын ва юртуларын къоччакъ къутгъарывчу булан оъзим болма борчлу этип.

Казим Къагъруман.

СУРАТДА: Бадрутдин Абдурашитов.

Сонг билдиривлер гетер «Белгисиз тас болгъан» – деп. Ким токъташдырып бола Герти яда ялгъан деп.

Шоллукъда минглер булан Батыр эрлер тас бола. Къабуру ёкъ, сыны ёкъ Оългенлелеге яс бола.

Къайгъылагъа батылгъан Аналаны агълары. Такъсырлылагъа тюшсүн Аллагъыны балагълары.

Тул къалгъан яш аналар, Етим къалгъан яшлары Етсин тийишлилеге. Оланы къаргъышлары.

Уллу шагъарлар, юртлар Бузулмакъдан хум-хуват Тюзлюк якътайгъанлагъа Тенгирим берсин къуват.

Асгерден сююнч кагъыз

Оътген гюнлере Бабаорт районну Адил Янгыортунда яшайгъан Абдулхан Лумаевич ва Элмира Къалсынбековна Эбузовланы агълюсюнде оланы уланы Жабрайил къуллукъ этиеген асгер бўлукден баракалла кагъыз гелген.



Асгер бўлукню командири, Жабрайил оъзюн герти патриот күйде гёрсетгенин эслер туруп: «Гъюметли Абдулхан Лумаевич ва Элмира Къалсынбековна! Бу кагъызда сизин уланыгъыз оъзюн борчларын оър даражада күтегени гъакъда уллу сююнч булан билдиремен. Жабрайил, асгер къуллукъну масъалаларын яхши англап, бўлукде низам ва къоркъунчузлукъ болдурувда ёлдашларына ульгю болуп, олагъа да гънерли ва низамлы болмагъа ругъ бере. Ол борчун күтювде агъамиятлыкъын гъис этип, янгыз оъзюн бойнуна тюгюл, ёлдашлары саялы да жаваплыкъ алма гъазир. Шолай Ватанни герти якълавчусун оъсдюргенге сизге баракалла билдирибиз», – деп яза.

Солдатни ата-анасы авлетини юргине янгыз билдириден къайры да, ич байлыкълары: Ватангъа сююнно, асгер къуллукъда бирге команда болуп иш гёров, гъюметлев иймик пайдалы мердешлени де салгъан.

Уланы къуллукъ этиеген асгер бўлукден гелген сююнч хабар савлай агълю учун агъамиятлы болуп токътагъан. Жабрайил учун буса асгер къуллукъ - ону пагъмусун, бажарывлугъун аян этиеген, элине берилгенлигин гёрсетеген, яшавунда айрыча маъналы ер тутагъан мюгълет. Шо да ювукъ адамларыни, дос-къардашыни арасында уллу оъзим болма борчлу этип.

Жабрайил Эбузовну атына гелген баракалла кагъыз - ону Ватанни алдындагъы абурду ишлерини къыйматын гёрсете ва патриотизм булан синген элине бакъгъан сююв - яшавуни бир гесеги экенин ташдыра.

Герейхан Гъажиев,
оъз мухбирибиз.

Гюлмира НЮРЮТИНОВА

Пышдырыкълы, ач гёзлю...

Пышдырыкълы, ач гёзлю...
Башчылары НАТО-ну,
Башгъа гъукуматлагъа,
Узата къара къолун.

Этеген йимик болуп,
Сайки халкъыны гъайын,
Соралар гъарам алда.
Халкъ еслигин гюн сайын.

Арадан заман гетип,
Къарши турув башлана.
НАТО-ну асгерлери
Дав майдангъа ташлана.

Муна мисал: шолай гъал
Украинада бүгюн.
Ачыкъ этип айтаман,
Бир сёзюм ялгъан тюгюл.

Украина чёллери –
Дагънили топуракълар.
Мундан рыцъысын тапгъан
Кёп улкелер, кёп халкълар.

Шо асил топуракълар,
Ломай ашлыкъ береген,
Сюрюлмай, не чачылмай
Дав савутлар елеген.

Ракеталар, дронлар,
Авур топлар атыла.
Бир гюнағысыз уланлар
Къан оъзенде батыла.

Денгиздей генг чёллери
Пара-пара къазылып.
Окопларда гёмуле
Сал сюеклер, къаст къылып.

Шагъабутдин МУСТАФАЕВ:

«Фермер хозяйстволаны гележеги бар»

Юрт хозяйствону оьсююю, гъалиги вакъти аслу гъалда фермер хозяйстволаны гъаракаты булан амалгъа геле деп айтса да ярай. Сабанчы-фермер хозяйство къуруп, ону къыйматлы ишин гёрсетмек учун хыйлы къыйлын тёкме тарыкъ. Шо гъакъда бир нече гюн алда биз Къарабудагъент районну юрт хозяйство управлениесини ёлбашчысы Шагъабутдин Мустафаев булан ёлугъуп лакъыр этдик. Ол шо къуллукъну күтегени 12 йыл бола.



- Къарабудагъент бизин республикада инг уллу районланы бириси. Янгыз район центрын алып къойсакъ да яшайгъан адамланы санаву йигирма мингден къолай. Дёргели, Губден, Къакъашура, Къурбуки, Манастант, Гъели, Пара-вул, буланы гъарисинде алдагъы вакътилерде - уллу бай совхозлар, колхозлар бар эди. Иш булан да, харж булан да халкъ таъмин эди. Гъали нечикдир?

- Аслу гъалда колхозлар, совхозлар тозулгъанда, топуракъланы адамлагъа пайлап берген сонг, оланы ишлетмеге, башлапгъы вакъти четимликлер тувулунуп турду. Техника таман чакъы етишмей эди, халкъ да янгы ёлгъя тюшюнүп битмей, арадан заман гетди. Гъали гъал билюнлек алышынгъан. Топуракъга къуллукъ этсе пайды болагъанына адамлар тюшюндю. «Фермер» деген не буса да билмей эдик. Энни о бек тарыкълы касбу экени англашылды. Фермерлени гъаракаты булан гетген йыл районда 7 миллиард манатны къадарына юрт хозяйство продукция болдурулгъан.

Фермер хозяйстволар кёп болгъан чакъы юрт ерлерде бош топуракълар да къалмас, адамлар учун да пайдалы.

- Осьюмлюкчюлюк тармакъда гъалиги заманда шо сиз эсгереген фермерлер теплицалар къуруп овошлар болдурагъан күйге уйренген. Къарабудагъент районда олар кёп.

- «Овощеводство за-крытого грунта» дейлер огъар. Шо ёрукъда гъара-

кат юртеген фермерлени буссагъатгъы вакъти 280 гектар топуракълары бар. Уллубийавул, Къарабудагъент, Аданакъ, Пара-вул бойларда олай хозяйстволар айрокъда кёп.

Янгыз осьюмлюкчюлюкде, тюгюл, районда юрт хозяйствону бары да тармакъларын къуршап гъаракат юртебиз. Юрт ерлерде яшайгъан сонг адамлар топуракъга, гъайван-малгъа къуллукъ этмесе бажарылмай.

- Юзюмчюлюк де сизин районда агъамият берме ярайгъан, имканлыкълары булангъы тармакъ. Алда йимик гъали де юзюм оьсдюрювге тарыкълы къуллукъ этиледир?

- Этиле. 2 минг 200 гектар ерде юзюмлюкчюлюкъларын бар. Емиш берегенлери 1 минг 800 гектарга ювукъ. Кёп йыллар бола, «Герейтюз» деген хозяйство юзюм оьсдюрювге мекенли тюшюнүп гъаракат юртегени. Озлар чагъыр завод да къуруп «переработка» булан да машгъул болалар. 100 гектар ерге къуллукъ этте.

«Далап» дегени бар, Жамалутдин Умалатов ёлбашчылыкъ этегени, оланы юзюм бавларыны майданы 140 гектар.

Зиявутдин Абдулгъаттарову да бар 50 гектар ери булангъы «Шанс» деп айттылагъан хозяйствосу. Дағы да кёплени эсгерип боламан. Гертиден де бизин бойда юзюм оьсдюрюв, оъз заманында тарыкълы къуллукъун этсе, пайды гелтиреген тармакъ.

Юзюмчюлюк булан бирче бавчулукъ тармакъны оьсюююне де тийшили тергев беребиз. 1 минг 200 гектарда бавларыбыз бар. «Садоводство интенсивного типа» деп бола, емиш терекни тыгъыс чачып, айрыча къуллукъ булан оьсдюрюген къайдасы. Шолай бавларыбызын майданы 200 гектар. Шо янындан гъаракат юртеген уланланы: Къарабудагъентден Бийиши Айдиевни, Къурбуки юртдан Магъамматзакир Нуховну атларын айтма боламан.

- «Емиш терек оьсдюрюмек - сыйлы къуллукъ», - деп де айттыла. Алда адамланы абзарларында да оьсеген тереклери бола эди. Гъали янгы планлар алып уйлер этегенлени абзарлары уллу болса да терекге ер ёкъ. Уйлени артында, яда алдында гиччирик бав сама салмай. Базарда бола емишни сорт-сорту деп терекге этиледен къуллукъдан къача. Эрине, яда заманы ёкъ. Гъайванчылыкъ да шолай, арекге таберилегендай гёрюне. Гъайван-малгъа кёп къуллукъ тарыкъ бола. Нечикдир сизин районда гъайванчылыкъ тармакъны гъалы?

- Гъайванчылыкъ - мerdeшли тармакъ. Гъайван

Къурбукили Магъамматзакир Нуховну, къакъашуралы Марат Хыясовну сабанчы фермер хозяйстволары. Буланы, гъарисини 300 - 400 савулагъан сыйырлары бар.

- Районда гъайванчылыкъны эт учун сакъланагъан къайдасы нечик къоллана?

- Буссагъатгъы вакъти семиртип сойма деп сакълайгъан таналар 16 мингден къолай. Янгыз Гъелиде бугюнлөрде тирлик ем берип семиртип турагъан бир мингге ювукъ гъайван бар.

Жанланы айтсакъ, санаву - гъар йыл бир миллиондан къолай бола. Йымырткъа учун жан сакълайгъанлар кёп. Ма-

бир аз уйренмей турсада, гъали гъал билюнлек алышынгъан деп айтма яраймы?

- Ярай. Гъали юрт ерлерде яшайгъанлар, юрт хозяйство тармакъда иш гёрюнню янгы къайдасына тюшюнүп гъаракат юртме уйрене гелегени гёрюне. Кёмек харж алып хозяйстволар къурагъанлар кёп. Бирлери оъз харжы булан да таъмин болуп къала.

- Нечик алай да юрт хозяйство тармакъда далацылыкъ юртме муштарлышаны санаву да артгъан. Фермер деген сёз де бизин арагъа гирип къумукъ сёз болуп токъташа турда. Сен нечик ойлашсан, гележекде бу янгы



эт, къой эт, къущ эт болдурагъандан къайры сют, йымырткъа да халкъ учун бек тарыкълы сурсат. Районну ичиндеги кёп санавдагъы сабанчы-фермер хозяйстволарда 9 мингден къолай савулагъан сыйыр сакълана. Шоланы арасындан мен сизге алтысын эсгерип боламан, алдынлы хозяйстволар.

Къакъашурадан Калимулла Пайзуллаев ёлбашчылыкъ этеген «Арслан» деген сабанчы-фермер хозяйство. «Къакъашура - сют булакъ» - Атай Раполов юртюп турагъан хозяйств. Сютню сатып къаймай, къаймакъ, юварт, бишлакъ этип де сата. Магъамматали Османов

башчылыкъ этеген хозяйствону 2 мингден артыкъ къю бар. Олай Адилбек Абдуллатиповну хозяйствосунда да бар 2 мингкъой.

гъамматгъасан Гъюсейнов ёлбашчылыкъ этеген сабанчы - фермер хозяйствода 5 мингден артыкъ къозлайгъан тавукъ сакълана.

Къойлар, эчкилер сакълайгъан фермер хозяйстволар да кёп. Къошуп бир сирив этсе, санаву 60 мингден артыкъ болажакъ. Губден юртда Магъамматали Османов башчылыкъ этеген хозяйствону 2 мингден артыкъ къю бар. Олай Адилбек Абдуллатиповну хозяйствосунда да бар 2 мингкъой.

- Сабанчы-фермер хозяйстволаны оьсюююне гъалиги заманда гъукуматны янындан да тийшили агъамият бериле. Кредитге акъча алып, иш башлама боласан. Баш вакъти, алдагъы колхозлар, совхозлар тозулгъан сонг халкъ

касбуну юртегенлер дагъы да кёп болмасмы?

- Озокъда болар. Фермер хозяйстволар да йыл сайын кёп бола. Оланы ишлери де йыл сайын яхшилаша. Гъасиллери арта. Сынав топлана туруп касбучулукъ гъаракаты да мекенлеше. Фермер хозяйстволаны гележеги бар.

- Кёп савбол, Шагъабутдин, гележекде де сиз ёлбашчылыкъ этеген Къарабудагъент районну юрт хозяйство тармагъына устюнлюклер ёрайман. Гёз алгъа тутгъан муратларыгъызгъа этишмеге наисип болсун.

- Сиз де сав болугъуз, бизин ахтарып гелгенигиз учун сизге алыше де баракалла.

Лакъырлашывну юртеген Набиулла МАГЬАММАТОВ.

Аналықъ капиталны дагыстанлылар нечик харжлай

Россия Федерацияда аналықъ капиталны программасы башлангъанлы 18 йыл бола. Гетген йыл РФ-ни Президенти Владимир Путин аналықъ капиталны программасын давам этмекни таклиф этген. Эсгерилген программа башлангъанлы 14 миллиондан артыкъ сертификатлар яш ағыллюлөгө тапшурулғыян. Пачалықъ Думаны Председатели Вячеслав Володин билдириген күйде бу йыл февраль айны 1-нден башлагы аналықъ капиталны харжы да артгъян. Ол аналықъ капитал яш аналаны, ағыллюлени яшавлукъ масъалаларына көмек этивде инг де натижалы қараланы бириси экенни эсгере.

Аналықъ капиталны бизин республиканы көбюсю ватандашлары яшавлукъ уйлер алмагъа къоллайгъаны белгили. Тек, аналықъ капиталны ағыллюлөр яшларын охутувуна да харжламагъа бола. Ондан къайры да, сакъат яшлары барлагъа шолар учун тарыкълы маллагъа ва къуллукълагъа чыгъармагъа, анасыны пенсиясын топлавгъа бакъдырмагъа ихтияр бериле.

Яшавлукъ фондну Дагыстандагы бёллюгюно къуллукъчулары берген маълуматлагъа гөре, Дагыстанны ватандашларындан 120 ағылю, гертилей де, аналықъ капиталны бу йыл харжын яшларыны билим алынуна чыгъартгъян. Фондну ерли бёллюгюло шо муратлар учун 13 миллион манат иберген. Аналықъ капиталны гъар йыл сайын ойчеву де арта. Бу йыл биринчи яш тувгъан атана 690266,95 манат, 2 -нчи яш тувгъан ағылю 221 895, 14 манат ва алда аналықъ капитал алмагъан экинчи ва ондан сонг тувгъан яшлары булангъы ата-анагъа 912 162, 09 манат харж алмагъа имканлыкъ берилген.

Охутувуна харжламагъа ярайгъанны билмейгенлер де көп бар

Аналықъ капитал программыны харжын ағыллюлөр яшлар бавундан башлап ойр охув ожакъда охутувуна харжламагъа бола. Ондан къайры да ингилистилни уйретеген курсланы, яратычулукъ, спорт дарсланы, репетиторланы ва машин гъайдавну уйретивге аналықъ капиталны къолламагъа ихтияры бар.

Аналықъ капиталны шартларына гөре ону къолламагъа башламакъ учун яшгъа з йыл тамамланмагъа герек. Тек, яшлар бавларына барагъан яшлар учун шолай шарт салынмагъан. Шолай да, аналықъ капиталны ағылюдеги башгъа яшларыны билим алынуна харжламагъа да ихтияр бериле. Аслусу, охумагъа тюшеген яшгъа 25 йыл битменик ва охув ожакъ Россия Федерацияда болмагъа герек. Аналықъ капиталны харжлап охутагъан къурумланы билим берив къуллукъланы күтегенин



исбатлайгъан лицензиясы да болмагъа тарыкъ.

Россияны яшавлукъ фондуну Дагыстан бёллюгюно управляемийни борчларын заманлыкъга күтеген Алжанат Загитованы айтывуна гөре, эсгерилген программа яшавлукъ чыгъарылмагъа башлангъанлы 4 минг дагыстан ағылю шо харжны яшларыны билим алыну учун къоллагъан. Аналықъ капиталны яшларыны охутувуна харжламагъа хыялы барлар «Госуслуги» порталда арза бермеге бола. Шолай да, эсгерилген мураттга арзалар МФЦ-де, яшавлукъ фондну бёллюклериnde къабул этилине. Шо арзалаға 5 гюнню ичинде, бир-бир гезиклерде 10 гюнню ичинде къарала. Харж тұрва билим берив къурумларынан бериле.

Адатлангъан күйде, ойрде де эсгерегеним йимик, Дагыстан ағыллюлени көплери аналықъ капиталны яшавлукъ уйлер алмакъ учун харжлай. Мен сорав бергенлени көбюсю яшавлукъ уйлер алмакъ учун харжларынын эсгерди. Ата-аналаны арасында шо харжны яшларын охутувуна харжламагъа имканлыкъ берилегенин билмейгенлер де көп бар.

Яшавлукъ уйлени сатыв-алыв булан байлавлу

Соравума жавап бергенлени көбюсю яшларыны гъакъ берип билим алынудан эсе яшавлукъ уйлер алмакъны алдын гөре. Мисал учун, Зарема Ағыматованы эки яшы бар. Ол да аналықъ капиталны яшавлукъ уйлер алмакъ учун харжлажын: «Яшланы гележеги нечик болагъаны алданокъ билмеге бажарылмай. Аналықъ капиталны биринчи «взнос» гысапда уйлер къурагъан компанияға берип, къурумларынан башлагъан ерден 2

билимлөр алмакъ учун харжламагъа къасты бар.

Дагыстанда яшайгъан Анастасия Тихонова да аналықъ капиталны яшларыны охутувуна харжлалыкъаны эсгерди.

Коррупция барлыгъы белгили

Аналықъ капиталны айланасында да коррупция барлыгъы белгили. Аналықъ капиталны харжын гъар тюрлю гыллалар булан яртысына ювукъ акъчаны башындан алдын чалышаңындар бар. Шолар да көбюсю яшавлукъ уйлени сатыв-алыв булан байлавлу. Орамларда, гъар тюрлю сайтларда «Аналықъ капиталны къолгъа алмакъ көмек этемен» деген билдиривлөр бар экени биревге де янгылыкъ тюгюл. Харжгъа узюрю ағыллюлөр шо билдиривлөр булан пайдаланында да талчыкъдыра. Шо харжны ойчеву мисал учун 600 мингге ювукъ заманда 250 мингни къолуна алдын, аналықъ капиталдан «къутулгъанлар» гъали гъёкюнедир. Бүгүнлерде буса шо харжны къолгъа алмакъ «көмек этегенлер» 350 минг манат акъчаны башындан ойзелени «къуллугъуна» ала дейлер. Аналықъ капиталны харжына тиймей, гележекде бек узюрю болгъанда харжламагъа дег артгъа салгъан ағыллюлөр де бар.

Аналықъ капитал «Демография» деген милли проектни айланасында россиялы ағыллюлөгө пачалыкъыны янындан бериле.

Эсгерилген программаны болжалуғынан булан Россияда тұвагъан яшланы санаву артажақъы умут этиле. Дагыстанды ватандашлары шо программа булан асувлу күйде пайдалана деп айтмады.

БИЗИН МАЪЛУМАТ:

1. Ағылуде 2020-нчы йылда ва сонг тувгъан биринчи яшгъа да аналықъ капитал бериле
2. Экинчи яшгъа 3 йыл битгенче ата-ана аналықъ капиталны башындан гъар айда акъча алмакъ бола. Дагыстанда шо акъчаны ойчеву 16137 манат.
3. Аналықъ капиталны сертификаты яш тувгъанлыкъыны шағытнамасы гъазир болгъандокъ онгарыла. Шону учун айрыча арза язмагъа герекмей. Сертификат «ГосУслуги» порталда яшны анасыны кабинетинде ерлешдириле.
4. Эргишиге сертификат бериле, егер де ол яшны ойзю янгызы алып сакълагъан буса. Къатыны ойлген яда къатыны аналықъ ихтиядан азат этилген атагъа да аналықъ капитал тийишли.
5. Аналықъ капиталны яшав шартларыгызыны яхшилашдырымакъ учун харжлай бусагъызы, нотариусгъа барып онгармагъа тюшмей, шо гъакъда арзада язылгъаны таманлыкъ эте.
6. «ГосУслуги» портал кабинетигизни ачып сертификатда нечакъы харж къалгъаны тергеп боласыз.
7. Аналықъ капиталны янгызы билим беривге тюгюл, ойр охув ожакъыны обежитиесинде яшайгъаны учун харжламагъа да ярай.
8. Яшавлукъ уйлер къурмалыкъ участкаға тюгюл, яшавлукъ уй алмакъ учун сертификатны къолламагъа ихтияр бериле.
9. Сертификатны ипотека учун къолламагъа Россияны яшавлукъ фондуни бёллюгюне барамагъа тарыкъ тюгюл, шогъар арза банкда, еринде язмагъа ярай.
10. Эгер де капиталны яшавлукъ уй алмакъ къоллагъан бусагъызы, яшгъа тийишли пайны сатғъанда налоглар кемитилмеге бола.

Патимат БЕКЕЕВА.

Дагъыстанны Башчысы Темирлан Абуталимов булан ёлукъгъан

Ольтен жумада Сергей Меликов хас асгер гъаракатны ортакъчысы, Россияны Игити Темирлан Абуталимов булан ёлукъгъан. Ол - игитни насиъватчысы. Темирлан «Игитлени заманы» деген федерал программагъа гёре, уйретивлени экинчи тиретин де яхши къыйматлар булан тамамлагъан.

- Март айны ахырындан бүгүнгө ерли узатылгъан охувлар ва уйренивлер тамамланды, - деген гъисап бере туруп Темирлан Абуталимов. - Шо вакътини ичинде мен Дагъыстан Республиканы аманлыкъ советинде практикамын ойтгердим. Аслу гъалда яшёрюмлени тарбиялавгъа бакъгъан чараларда, хас асгер гъаракатда ортакъчылыкъ

этегенлени агълюерин якълайгъан «Доблесть гор» деген программада, шолай да Къызыл майданда Уллу Устюнлюкню 80 йыллыгъыны парадында, Кавказ инвестиция форумда да болдум. Кавказ инвестиция форумда аслу гъалда транспорт, юрт хозяйство ва туризмни оьсювюне бакъгъан тармакълагъа тергев бердим.

Сергей Меликов Темир-



Дагъыстанны Башчысы.

Сергей Меликов Темирланы охувлары ва уйретивлери тамамлана туруп, ол бир жаваплы ишге чыгъаралажакъын да айтгъан.

Бизин маълумат.

Герейханны гезикли устюнлюгю

Уллу Устюнлюкню 80 йыллыгъына багъышланган байрамны алдындагъы гюнлөрде, Москва шағъардагъы Адабиятчыланы уюнде, «Георгийни ленти» деген Бүтүнроссия конкурсуну номинантларында финалистлерин савгъатлав ойтгерилиди. Шо бизин уйлебизни тарихи агъвалаты ва Ватаныны харлысызлыгъы учун немис-фашист уюрлөрин тамурундан ёкъ этгенлени абулрайгъан белги болуп токътады. Гюреметли къонакъланы ва конкурсну ортакъчыларыны арасында, язывчу ва журналист, «Бабауртну янгылыкълары» деген район газетни баш редактору, шолай да «Ёлдаш» газетни мухбири Герейхан Гъажиевде бар эди. Ол «Георгийни ленти – Уллу Устюнлюкню 80 йыллыгъы» деген медальгъа ва конкурсну финалисти деген дипломгъа ес болду. Артдагъы гюнлөрде мен ону булан гиччирек лакъырлашыв этдим.

- Герейхан, башлап «Георгийни ленти» деген конкурсну гъакъында охувчулагъа маълумат берейик...

- 4 йылны узагъында юролеген «Георгийни ленти» деген конкурс оъзюню айланасына бу гезик Россиядан, Беларус республикасындан ва СНГ-ден 10 мингден де артыкъ язывчunu жыйгъан эди. «Георгийни ленти» деген отуз томлукъ альманахгъа, авторланы терен ойлары ва юрек гъислери булан сезилген, Россиялылар учун да бек агъамиятлы, 1150 авторну чебер асарлары гирген. Шо альманахны 16-нчы томунда мени «Мариупольну унутулгъан игити» деген асарым да айрыча ерни тутду. Конкурсну ахырынчы гъасиллерине гёре, финалгъа 35 язывчу ва 45 де шаир чыкъды, шоланы арасында мен де бар эдим. Мен ойлашагъан күйде, конкурсну гъасиллерине гёре биринчи ерге ес болмасам да, шонча язывчunu ва шаирни арасында дап да яхши 80 адамны арасына гиргенлигим де мени учун бек агъамиятлы.

- Сен оъзюнг кёп ке-

ренлер хас асгер гъаракат юрююп туралган бойда болгъансан. Шо тема сагъа айрыча ювукъ деп айтмагъа яраймы?

- Артдагъы йыл ярымнын ичинде мен ёлдашларым булан бирге хас асгер гъаракат юрююп туралган бойгъа б керен барып битгеннен. Ювукъ арада бирдагъы да бармагъа гёз алгъа тутгъанбыз. Озокъда, хас асгер гъаракатын, ондан алда буса Уллу Ватан давнуну ортакъчыларыны къысматына мен айрокъда кёп тергев бергеннен ва шо тергевиумню узатып туражакъман. Шо бизин элибизни тарихинде къайгъылы буса да, къоччакълыкъны белгиси. Уллу Ватан дав йимик, хас асгер гъаракатны «ялыны» да кёп-кёп агълюлете тийип тира. Бүгүнлөрде шо гъаракатда янгыз бизин юртдан 70-ге ювукъ яш ортакъчылыкъ эт. Озокъда, дав къурбансыз болмай, тас этивлөр де бар. Бүгүнге ватаныбыз элибиз учун шо дав агъвалатларда он уланыбыз жаңын къурбан этген. Оланы гъарисини игитлиги оъсюп гелеген яш наслугъява улгю болмагъа да герек. Шо якъдан ишлей туруп,



мен бүгүнгө бизин райондан гетген ва хас асгер гъаракатда къоччакъ күйде ябушагъан 100 асгерчини гъакъында язып, орус тилде «Бизин Устюнлюгюбоз учун» деген ат булан китап гъазирлеп де тураман. Насип буса, шо китапны йылны ахырына басмадан чыгъармагъа къастлыман.

- Альманахгъа гирген «Мариупольну унутулгъан игити» деген асарынг сени яратывчу-лугъунга таъсир этдими?

- Озокъда, этди. Мен оърде де эсгерип гетгеним йимик, артдагъы З йылны боюнда юзден де артыкъ хас асгер гъаракатны ортакъчыларыны гъакъында макъалалар язып битгеннен. Оланы гъарисини оъз ёлу, оъз ойлары, яшавгъа къарав-

лыкълагъа къайпанмайгъан уланлар Дагъыстанны гележеги, оъзююзюн аямай, тартынмай дав агъвалатларда гёрсетгенсиз, ватандашланы арасында да шолай ишлени күтежеке инанаман, - деген

Ногъаев йимик уланлар барына оъктем де дюрмен.

- Гележекде хас асгер гъаракатны темасын давам этме умутларынг бармы?

- Озокъда, бар. Неге тюгюл де, гъар тюрлю адам шо гъаракатгъа башгъаша гёзден къарай бусада, мени учун шо, инг башлап, бизин яшланы къысматы булан байлавлу. Тарыкъда къолуна савут да тутуп, изгъар тёлелерде де ятып, яшавуну гъар мюгълетин гёз алгъа гелтирип, тарыкъ буса халкъы учун жанын да берме гъазир турма яхши тавакеллик герек. Олар - шолай игитлер. Игит уланларыбызын гъакъында болгъан сайын кёп халкъ билмеге герек, оъсюп гелеген яш наслу олардан улгю алмагъа герек. Шолай болсун учун буса башлап мухбирлер ва язывчулар ишлемеге тарыкъ, тек олары кёплери гъакъында буссагъат язмагъа ярамай. Аллагъ буюрса, яшлар эсен-аман уйлерине къайтгъанда, олары къоччакълыгъы гъакъында белсенип ишлемеге герек болажакъбыз.

- Герейхан, мен сагъа башлап яратывчуулукъ ёлунгда дагъы да артыкъ оърлюклер ёрайман, неге тюгюл де сени йимик дарражагъа артдагъы заманда бир къумукъ язывчу да етишмеген, шолай да инсалпы ишинде буса дагъы да имканлыкълар ва сени англайгъан къурдашлар, яшавунгда буса савлукъ, агълю наисип, парахатлыкъ ва ачыкъ кёк ёрайман!

- Кёп савбол!

Лакъырлашывну язгъан Гебек Къонакъбиев.

Уллу Ватан давда болгъан тас этивлени бизге бирдокъ да унутма ярамай. Онда ортакъчылыкъ этген игитлени, олар гёрсетген къоччакълыкъланы яш наслубуз билме ва эсинде сакълама герек.

Дагъыстандан шо къагърулу давлагъа гетгенлени арасындан 90 минг ватандашыбыз уйлерине къайтмай къалгъан. Оланы да 46 минги бүгүнлөгө ерли белгисиз тас болгъан деп гысап этиле. Олар шо къыйынлы давларда гёрсетген игитликлени яш наслубуз билме тырыкъ.

Гёрсетген къоччакълыкълары учун 75 дагъыстанлы Совет Союзу Игити деген атланы алгъан, 8 дагъыстанлы Макътавлукъну учь де даражалы ордени булан савгъатлангъан. Ветеранланы бютюнроссия жамият къурумну Дагъыстандагы бёлюю давну ортакъчыларыны гъайын эте. Гъали бизин республикада Уллу Ватан давну беш ортакъчысы къалгъан. Олар Ибрагимпаша Садыкъев, Валентина Оверина, Юрий Петрухин, Галина Белялова, Муса Багъавутдинов. Бирдагы бир ортакъчысы Тарумов райондан Мария Арзуманова. Ол гъали Саратов областы Энгельс шагъарында яшай.



Valentina Overina.

Ибрагимпаша Садыкъев 1924-нчюй ыил Рутул юртда тувгъан. 1942-нчи ыылдан башлап давда ортакъчылыкъ эте. Армавирде автоматчиклени курсун битдириген сонг Ростов бойдагы фронтгъа бакъдырыла. Сталинград, Керч, Курск шагъарларда болгъан давларда ортакъчылыкъ эте. Харьков, Киев, Рига, Варшава шагъарлары азат этивдеги давларда ортакъчылыкъ эте. Уллу Ватан давда гёрсетген загъмат къоччакълыгъы учун» деген медаллар булан савгъатлангъан.

учун кёп тюрлю медаллар, орденлер булан савгъатлангъан. 2024-нчюй ыил 2-нчи майда огъар Россия Федерацияны Игити деген ат берилди.

Валентина Оверина 1928-нчи ыил тувгъан. Ону дав ёлу Сахалинде, Тымовское деген юртда башлана. Ондагы дав госпитальда къуллукъ эте туруп кёп яралыланы сав этген. 1985-нчи ыылда агълюсю булан Магъачъалаға гёчген. «Япониядан усть гелгени учун», «Уллу Ватан давда гёрсетген загъмат къоччакълыгъы учун» деген медаллар булан савгъатлангъан.

Юрий Петрухин 1927-нчи ыил тувгъан. Гёнгюллю күйде фронтгъа гетген. Темир ёласгерлерде ортакъчылыкъ эте. Ульстюнлюкъюн Польшада къарышылагъан. Жуковну атындагы ва озге медаллар булан савгъатлангъан.

Галина Белялова Аштарханда тувгъан. 1931-нчи ыылда Буйнакск шагъаргъа гёчген. Медсестраны курсларын битген сонг гёнгюллю күйде фронтгъа гетген. Украинаны, Польшаны, Чехословакияны азат этивдеги давларда ортакъчылыкъ эте. Кызыл Юлдуз орден ва медаллар булан савгъатлангъан.

Муса Багъавутдинов 1924-нчюй ыил тувгъан. Новороссийск, Краснодар, Ростов шагъарлары азат этивде ортакъчылыкъ эте. «Къоччакълыгъы учун» деген ва озге медаллар булан савгъатлангъан.

Мария Арзуманова Тарумов районну Къарабагъылар юртунда 1926-нчюй ыил тувгъан. Он алты йыллыкъ чагында 1942-нчи ыил гёнгюллю күйде фронтгъа гетген. Медсестраны курсларын битдирип, давну майданындан кёп асерчилени къутгъаргъан. Медаллар булан савгъатлангъан.

Уллу Ульстюнлюкъюн 80 йыллыгъыны алдында ветеранланы Дагъыстан бёлююни къуллукъчулары Б.Баркуев, А.Мужайитов, С. Гъамзатова эсгерилген ветеранланы уйлерине барып къутлагъан васавгъатлар тапшургъан.

Барку БАРКУЕВ,
ветеранланы советини дагъыстан бёлююни председателини биринчи заместители.

Агъмат МУЖАЙИТОВ,
Магъачъалағаны совет районуну
ветеранларыны советини
председатели.

Аты юреклеризде даймге къалажакъ

Бу ыил Уллу Ульстюнлюкъюн 80 йыллыгъын белгилейгенден къайры, Россия Федерацияда Ульстюнлюкъюн 80 йыллыгъыны ыылы деп де билдирилген. Уллу Ватан давда ортакъчылыкъ этген мени уллатам бизге бүгүн паражатлыкъны болдургъан, яш наслуга насили яшав гелтиргенлени бириши. Мен ону озюн танымасам да, улланам хабарлай туруп кёп гезиклер эшитгенмен. Ону ордендерин, медалларын, грамоталарын гёзяшларын тёге туруп гёрсете эди, эсге алывларын бизге хабарлай эди. Уллатам Абузагъир Къасумхановну юртлуланы, районлуланы, дос-къардашыны ва иш ёлдашларыны арасында уллу абуру, сыйы болгъаны эсгермеге сюемен. Ол саламат, бажарывлу, айтгъан сёзүнде турагъан къоччакъ адам болгъан.

Уллуланы эсделеклерине гёре, мени уллатам Уллу Ватан давну башындан ахырына ерли ортакъчылыкъ этген, ол Кызыл армияны гвардия лейтенантты да дюр. Абузагъир Зайнутдинович Къасумханов 1913-нчюй ыылда Къарабудагъент юртда тувгъан. Таргъуда етти класны охуп битген сонг, 1935-нчи ыил Буйнакск шагъардагы финанс техникумга охума тюшө.

1938-нчи ыылда март айда эсгерилген техникумну къызыл дипломга битдирип, ата юрту Къарабудагъентге къайта ва район финанс бёлюкде старший бухгалтер болуп озюню загъмат ёлун башлай. Арадан бир ыыл да гетмей, ону шо бёлюкде баш бухгалтер этип белгилей.

1941-нчи ыылны июн айыны 22-нде тиши-тырнагъына ерли савутлангъан намарт фашист зулмучу гитлерчилер халарсыздан элибизге чапгъын этгенде, А.Къасумханов гёнгюллю күйде немис елевчюлөгө къаршы ябушма фронтгъа гете.

Абузагъир Магъачъалағанда минген эшелон Сталинградгъа етишип токтатай. Сталинградда Совет Армиягъа аминликке ант эте.

Ону Урюпинский шагъаргъа военно-технический училищеге охума бакъдыра.



Шо училищеде ол коммунист партияны сыйыраларына да къабул этиле. Абузагъир училищени битдирип, лейтенант чин де алып, взводну командири болуп биринчилей душмангъа къаршы Прибалтийск, сонг Темиркъазыкъ, Гюнбатыш фронтларында дав эте. 1944-нчи ыылны июн айындан башлап, 2-нчи Беларус фронтгъа чыгъарыла. Лейтенант Абузагъир Къасумхановну Беларус фронтда Одер озюнни боюнда, Krakow шағырда болгъан къатты ябушувларда гёрсетеңген къоччакълыгъы ва 1945-нчи ыыл май айда намарт душмандан Совет Асгерлер усть болгъаны саялы СССР-ни Оэр Советини къарапы булан «За победу над Германией» ва Уллу Ватан давну I, II даражалы орденлери булан савгъатлай.

Уллу Ульстюнлюкъюн шатлы гюнүн ол Польшада къарышылай.

Немис фашистлер буланганы дёрт ыыллыкъ давдан сонг узакъ къалмай, 1945-нчи ыыл июн айны башында, Абузагъирни Забайкальскидеги резервный фронтгъа, 67-нчи Гюнбатыш фронтну атышыв полкунан ротасыны командири этип йиберелер. 1954-нчи ыылдан башлап ону район заготовительный конторагъа директор этип бакъдыралар.

Эки ыылдан сонг огъар къайтара финанс бёлюкгө ёлбашчылыкъ этмекни тапшурала. 1960-1963-нчи ыылларда Абузагъир району компартиясыны инструктору болуп ишин узата. Бизин район Буйнакск районгъа гирген вакъ-

тиде де ол хыйлы къурумларда баш бухгалтер, баш экономист ва шолай озге жаваплы къуллукъларда ишлей. 1973-нчюй ыылда А. Къасумханов ыыллары етишип пенсиягъа чыгъа. Къайда ва не ерде ишлесе де, не ишге бакъдырылса да А.Къасумханов халкъны разилигин алып загъмат тёкген ва шо саялы да тийишли савгъатлар булан кёп керенлер савгъатлангъан.

Къарабудагъент юртдагы тарих-эл ахтарын музейде Уллу Ватан давну ортакъчысы, гвардияны лейтенанты Абузагъир Къасумхановгъа багъышлангъан бёлюк бар. Эсгерилген бёлюкде ону давва загъмат ёлундан суратлары, савгъатлары ерлешдирилген, ону гъакында язылгъан. Къарабудагъент районну оысюп гелеген яш наслусун эсгерилген музейни къуллукъчулары патриот рүгъда тарбиялавда, Уллу Ватан давда бизин къоччакъ аталарыбыз гелтирген ульстюнлюкъюн эсделигин яштмагъа болушлукъ эте.

Бүгүнлерде, уллатамны ону уллу уланы Зайнутдинин уланы Абузагъир Къасумханов да уллатасыны ишин узата. Огъар уллатамны аты къюлгъан. Бир нече ыылланы боюнда Къарабудагъент район администрацияда баш бухгалтер болуп чалыша.

Уллатамны ярыкъ келпети буса, бизин эсебизде, юреклеризде яшай.

Биз, оланы варислери, ярыкъ яшавгъа ёл ачъян уллаталарыбызын унутмай, дайм эсде сакълама герекбиз.

Ажей МАМАЕВА,
Къарабудагъент районну билим берив управлениеинин баш касбучусу, Абузагъир Къасумхановну төрүнү.

Абдурагъман МАГЬМУТОВ:

«Оъзлер де, жамият да къабул этмежек»

Алдагъы гюнлер Магъачъалада Дагъыстандагъы Россияны загъмат ва социал якъдан министерлигини медик-социал экспертиза баш бюросу оъзлени ишини гъасиллерин чыгъарды. Шонда Дагъыстан Республиканы Гъукуматыны Председателини заместили Абдурагъман Магъмутов, Халкъ Жыйыныны савлукъ сакълав комитетини председатели Ильяс Мамаев ва Дагъыстанны савлукъ сакълавгъа ва загъматгъа къарайгъан министерликлерини, Росздравнадзорну, ФОМС-ну ёлбашчылары ортакъчылыкъ этдилер.

– Сизин тармакъ яшавда айрыча агвамиятлы. Неге тюгюл де, сизге жамиятда лап да къарав тарыкъ ватандашлар булан аралыкълар юртмеге тюш. Шону учун оъзюгъозню ишигизни англап, гъакъ юрекден янашмакъны тилеймен. Сакъатлар – кёмекге харлы адамлар. Олагъа аслу тергев берип янашмагъа ва жаны авруп гъайын этмеге тийишли. Бирревлер йимик оланы гъалы булан пайдаланып, къазанма тюшмей. Гъали хас астер гъаракатдан яшларбыз къайтар. Оланы да бирлери сакъатлангъан. Олагъа менден гетсин, есине етмесин дайген күйде, уъстденсув янашывугъузну оъзлер де, жамият да къабул этмежекни билигиз, – деп билдириди вице-премьер Абдурагъман Магъмутов.

Савлукъ сакълав ва яшавлукъ политика комитетни председатели Ильяс Мамаев медик-социал экспертизыни ва къошуулгъан ведомстволаны бирликде документлерин электрон къайдагъа чыгъаргъанлыкъны, ишин сан янын яхышлашдырагъанлыкъны адамлагъа пайдасы тиежек деп белгиледи.

Шонда Дагъыстандагъы медик-социал экспертизыни баш бюросуну ёлбашчысыны заместили Айзор Зейдулаевни доклады аслу ерни тутду демеге ярай. Ол оъзюнүү сёйлевюнде, аврувланы ерине етишдирип, тындырыкълы күйде медицина тергевлерден оътгермей, направлениелени медик-социал экспертизагъа бакъдырагъан идараланы эсгерди. Сонг да, ол медицина къурумланы бир-бири



булангъы байлавлукълары осал экенни гъакъында да айтды.

Жыйында Дагъыстанны савлукъ сакълав министрини заместители Патхула Патхулаев шолай масъалалар тувулунгъанда, мекенли тергевлерден чыгъара-жакъ ортакъ бирлешген комиссия къурмакъны таклиф этди.

Абдурагъман Магъмутов медицина идараланы да, медик-социал экспертиза къуллугъуну да арасындагъы кемчиликлени тындырыкълы күйде ахтармакъны тапшурду. Ол белгилеген күйде, шолай тетиклер

къутгъарылагъан саялы авур күйде авруйгъанлар инжине, къйнала.

Дагъыстандагъы медик-социал экспертизыни баш бюросуну ёлбашчысы Шамил Рамазанов республикадагъы яшланы да, уллулана да арасында нечакъы сакъат ва оланы не йимик аврувлары барны гъакъында гысип берди. Ол астаса сакъатлыкъдан пенсиягъя чыгъагъанланы санаву артып тербейгеннى билдириди.

СУРАТДА: жыйын юрюлеген вакъти.

Гиччиපавланы сав-саламат сакълама сюе бусагъыз...

Бизин республикада да Яшланы халкъара якълав гюнүнү алдында гиччиපавлагъа багъышлангъан чараплагъа гъазирленив мердешге айланып къалгъан демеге ярай. Дагъыстанны савлукъ сакълав тармагъы да хантав турмай оъзлени янындан пайдалы ишлер этмеге къарай.

Айтагъаным, оър категориялы врачи, акушер-гинеколог Райзанат Магъамматова билдириген күйде, касбучулар учун яшланы гъайын этив олар тувгъанча башлана. Ол шо гъакъда айта туруп, гележекде аналар болма сюөгенлер негер тергев этмеге герекни эсгерди:

– Болажакъ аналар оъзлени къарнындагъы яшын эсен-аман сакълама сюе буса, олар учун онгайлы шартлар яратма герек. Инг башлап анасыны къаркъарасыны да ва психика янындан да савлугъу болма тарыкъ. Шо масъалада яшны атасы ягъадан къарамай, ананы да, баланы да савлугъуна агъамият бермеге тюш.

Яшланы якълав дегенде, нарыста бу дюньягъа гелгенче биз оланы гъайын этмеге борчлубуз. Болажакъ аналар шогъар оъзлени ою, англавлары булан алданокъ онгарылма тарыкъ. Ашайгъан ашына маъна бермесе ярамай. Сонг да, савлугъуна зиян гелтиреген затланы къоллайгъанлыкъны токътатмагъа, врачланы тергевлеринден чыкъмагъа тийишли. Гъасили, шу мен эсгерген пайдалы ёравлар яшны савлугъуна къоркъунчлукъ гелтиреген заралланы алдын алмагъа бола. Яш тапмагъа сюөгенлер умуми ва хас къаравлардан оътмеге тюш. УЗИ-ден чыкъмагъа, гармонлагъа, инфекциягъа ана-



лизлер бермеге тарыкъ. Ондан къайры да, ашайгъан ашыгъызыгъа къулакъасыгъыз. Шоларда фолиевая кислота, йод, железо болмаса ярамайгъанны англагъыз. Эгер шолар етишмесе, къурсакъдагъы яшны оъсююнне яман таъсир этежек.

Врач-касбучу белгилеген күйде, психология гъалына аслу күйде агъамият бермеге тарыкъ. Болажакъ ана даим къарсалавларда, «стресслер» булан турса, яш болжалындан алда тувмакъ бар. Шо саялы да атасыны ортакъчылыгъы бек герекли. Авлетлер сюөген атана экиси де шогъар жаваплы янашмагъа тюш. Эргишилер

де инг башлап медицина къаравлардан чыкъмагъа тарыкъ. Оъзлени яман къылыкъларын ташламагъа герекни унутмагъа ярамай. Айрокъда узакълангъан аврувлары барлар сакъ болмагъа герек.

– Эгер къатынгиши сав-саламат, врачлагъа да юрой буса, огъар касбучуланы да, ювукъ адамларыны да якълаву етишсе, шо заман савлугъу булангъы яш туважагъы ва ол амалыкъда оъсежеги гъакъ.

Дагъы да мен бир затны эсгермеге сюемен. Кёбюсю ата-аналар прививкалардан баш къачырма сюелер. Шо дурас тюгюл. Шо прививкаларни тувгъандокъ, яшлар табагъан уйде де, сонг яшавуну биринчи йылларында да этдирмеге тарыкъ. Бир-бир ата-аналар шо масъалагъа къулакъасма сюймейгенге яшлары паротит, къызамукъ, инакъ, бувулагъан ётел ва оъзге югъагъан аврувлар къабунуп инжинелер. Шо югъагъан аврувлар бек къоркъунчлу, шолар яшланы сакъат этмеге бола. Мен ва мени иш ёлдашларым авлетлерине чечек этмеге сюймейген ата-аналы санаву артып барагъаны гёrebиз. Ата-аналаны гиччиපавланы гъайын этегенлиги оланы жаваплы янашындан башлана. Яшланы халкъара якълав гюнүн белгилей бусакъ, жамиятгъа гиччиපавланы савлугъун, оланы ихтиярларын якъламакъны уллу умпагъаты бар экенни эсине салма сюемен, – деди белгили врач Р. Магъамматова.

Къыйынлы операциялар этиле

Артдагъы йылларда бизде де гъалиге ерли этилинмеген операциялар оътгерилеген болгъан. Мисал учун, Темиркъазыкъ Кавказ округда 2022-нчи йыл биринчилей «Ozaki» деген юрек-къантамурлар булан байлавлуву операцияны Дагъыстандагъы кардиология ва юрек-къантамурлар къарайгъан центрни врачлары этген эди. Гъали эсгерилген центрни касбучулары шо юрек операцияны оъзге къыйынлылары булан бирче адатлангъан къалипде оътгерген болгъан.

Озаки деген японлу кардиохирург биринчилерден болуп инновация методикасына гёре ишлеп, юрекни къысылгъян орта къапгъачын тайдырып, янгысын салагъан къайданы яшавгъа гийирген. Гъали шо операция японлу алим Шигеюки Озакини атын юрюте. Врачлар айтагъангъа гёре шо узакъ замангъа бола.

Алдагъы гюнлерде 67 йыллыкъ Шамсият Гъажиевагъа шолай операцияны этмеге тюшген. Ол кёп узакъ заманлар къаны ташып инжинил тургъан. Шондан юреки авруп, эсден тайып, тыныш алагъаны осаллашып ону бир де парахатлыгъы болмагъан. Ахыры да, медицина тергевлерден оътгенде, юрек къантамурларында къан осал ишлейгени, шону къапгъачы къысылгъаны ачыкъ бола. Огъар артгъа салмай, тезликде «Озаки» операция этип, юрекни къапгъачын алышыргъанлар. Ш. Гъажиева къоллайлыкъга бара, янында ювукъ адамы булан юрюп, таза гъавада гезеп айланма бола.

Бетни Паҳу Гъайбуллаев
гъазирлеген.



Алав АЛИЕВ

Яңғыртма заман болған

Артдагъы вакътилерде республиканы экономикасыны оғысююне бағышланған гъар түрлю генгешлерде, жыйынларда, Магъачқаладан Каспийскиге, гъатта Гроздныйға ери темир ёлдан юклерден къайры, адамланы ташыйған поездлени де юротмекни масъаласы гётериле. Шо таклиф ойтген айны ахырларында Ставропол краиде ойткерилген Кавказ инвестиция форумда да чалынды, арагъа чыкъды. Дагыстанға гелеген туристлени санауы үйл сайын артагъанлықтың гысалғыа алғанда, шо дурус, пайдалы хияллар буса да ярай.

Тек, тюзюн айтғанда, бир түрлю сорвлар да туулунмай къалмай. Неге шоланы арасында Буйнакск ёкъ? Тавлар элини бириңчи тахшагъарын не себепден тергевсюз къойған?

Ойтген заманлагъа къайтып, Дагыстанда темир ёлланы къурувну тарихин эсге алсакъ, шону Порт-Петровскиден – Темир-Хан-Шурагъа юрткүн паровозларсыз, поездлерсиз гөз алға гелтирмеге бажарылмай. Шо бизин милдетни умуми дагыстан халкъ учун этген уллу сахават иши эди деп де къошма тюшедир. Октябр инкылапны атындағы татавул йимик тарихибиздеги гөрмекли, оқтем болардай ағвалаттана бириسى.

Елну къурмакъ учун янғыз бир Ыылны ичинде ери бийлер, савдюгерчилер ва оғзге мадарлы адамлар 3 минг манат жыйгъан эди. Гылалы акъча булан тенглешдирмегиз. О девюрлерде арбасы буланғы ат 5 манатға, сыйыр 2 манатға, къой 20 кепекке сатыла эди. Къурулуш ишлени Торкъали, Къапчыгъай, Капир Къумукъ ва башгъа юртларыбызын жамаатлары юрюте эди.

Озокъда, ёлну гъакъында лакъыр юрюлегенде пача офицерни, губернаторну янындағы асер таржумачы, тёбенкъазанашлы, Абдул-Къадирни ағыллюсунде тувгъан белгили инженер Адил-Герей Дайитбековну эсге алмайлы болмайсан. Бары да къурулуш ишлеге жавап береген ол эди. Ондан къайры, Москвадан, Санкт-Петербургдан айланып, Дагыстанға темир ёлну къурувуда сывану бар касбучуланы алып гелген эди. А.Дайитбеков къаягурулу 30-нчу Ыылларда бизин хыйлы мактавгъа айттылған адамларыбыз йимик Сибир яқылагъа сорғун этилген ва дагы Дагыстанға къайтмагъан, Бакуде гечинген.

Бириңчи поездни темирханшуралылар музыка ва гюл байламлар булан 110 Ыыл альякъда, 1915-нчи Ыылны июль айны 6-нда къаршылагъан. Шондан сонг шагъарны ва айланадагъы юртланы яшаву бүс-бютюнлей алышынма башлагъан. Янғы заводлар, устаханалар, базарлар ачылған, бир нече къонакъ уйлер къурулған. Тизив табиат шартлары буланғы ерде орунлашгъан Темир-Хан-Шурагъа яй айланы вакътисинде ял алма поезд булан пайдаланып тыш губерниялардан адамлар геле эди.

Бизде 19-нчу асрдан къалған архитектура эсделекилер онча көп тюгюл. Шоланы бириси – Торкъалидеги вокзал. Вокзалны да, ёлну йимик янғыртмагъа тезокъда заман болған эди. Эгер де биз айтагъан пикрүлар яшавгъа чыкъса, шо не якъдан да пайдалы, асувлу ва маънаны иш болуп токтажакъ эди.

- Судну залындан

ТЕРС ИШЛЕРДЕН КЪОРУМАГЪАН

Челябинскидеги област судда 17 Ыыллыкъ дагыстанлы Рамазан Абакаровну уголовный ишине къаралған. Ол асер самолётнұ яллаттада деп айыплана.

Судгъа бакъдырылған материаллагъа гөре, ол Буйнакскиде тувгъан. Ата-анасы ва эки иниси булан онгача уйлерде яшай болған. Бир ерде де не охумай, не ишлемей турған. Алдагъы школасыны директору айтагъан күйде, уыч экзаменни бермеген ва аттестатсыз къалған. Физкультурадан къайры, къалған дарслардан аслу гъалда экилер ва уычлер алып турған. Эришивге бек гъаваслы яш, тез къабуна, оғзелени таьсиринет тез тюше. Атасы уланларыны уллусун бек къатты, талапы күйде тарбиялай, тек терс ишлерден къоруп болмагъан. Оны судда якълама бир ювукъ адамы да гелмеген.

2023-нчу Ыылны ахырларында ону булан Интернет-

ден таба Украинаадагъы хас къурумлана къулукъчулары байлавлукъга чыкъған ва 4,5 миллион манаттада Челябинскидеги аэроромлана бири辛勤е токтатған асер самолётнұ яллатма таклиф этген. Буйнакскиден 2 минг чакъырым арекде ерлешген шағъарға не къайдалы етишмекни, тарыкъ ерини нечик тапмакъыны мекенли англаған, гъазирлик ишлеге 25 минг манат бакъдырылған. Шо ақычагъа ол Челябинскиге барынан поездге билет, резин къолгъаплар, келпет ва террорчу чапгъынны ойтгермек учун оғзге тарыкъ-герекни алған.

2024-нчу Ыылны январ айыны 4-нде авиабазагъа ювукъ-дагъы бавлардан яшыртгыны



ичине гирип, бензин тёгюп, асер самолёттегъа от салған. Гъакъылбалыкъ болмагъан жинаятчыны полицейскийлер артындагъы гюн Ююзан шағъарны вокзалында туттъанлар.

Суд Р.Абакаровну чагыны гысалғыа алып, оны 8 Ыылға эркинликден магърюм этмек деген къаарарны чыгъарған. Яллагъан самолётнұ ярашдырмакъ учун талап этилген 62 миллион манатны да пачалыкъга къайтарма тюшежек.

КЪОЧЧАКЪ ЯШ

Алдындағы гюнлөр
Магъачқаладагъы 41-нчи школаны 9-нчу класыны охувчусу Магъаммат Абдулгъакимов Октябр инкылапны атындағы татавулнұ бою булан уюне къайтып геле болған. Бирден гөз алдында татавулнұ къырыйында ойнап турагъан гиччи яш аягъы тайғалап сувну ичине тюшюп гетген.

Магъаммат, уланпавгъа юючю ағымы буланғы татавулдан чыкъмагъа бир имканлық да ёкъ экенин англап, шоссагъат, бир мюгълетте де ойлашмай көмекге алғана-



сагъан. Яшны къырыйына ююп гелип, бир гъавур заман ону батылма къоймай сувну устьюнде сакълап турған. Сонг бары гючюн-къуватын жайып, эсен-аман яғыагъа чыгъарған. Оғзар бир зарал

да болмагъанына тюшюнгендеге, уюне етишдирген.

Охувчу яшни къоччакъ иши гъакъындағы хабар Республиканы Башчысына етишгендеге, Сергей Алимович Магъаммат тафондан таба зенг этген, оны булан оқтем болагъанын айтған, ата-анасына уланына берген тарбиясы учун, гъакъ юрекден баракаласын билдирген.

15 Ыыллыкъ Магъаммат Абдулгъакимов «Батылагъанланы къутгъарғаны учун» деген медаль булан савгъатланажақъ бирдагъы бир дагыстанлы болажағына шекленме тюшмей.

02 БИЛДИРЕ

Июн айны 3-нде эртен вакъти Магъачқалада Ор Гуниб ёлну 12-нчи чакъырымында бек чалт гелеген «Лада Гранта» ёл низамны бузуп, юкташыгъан уллу машинге бетге-бет урунгъан. Хатабалагъыны натижасында «Лада Грантаны» гъайдавчусу, 46 Ыыллыкъ къатынгиши шо ерде олған.

Дагыстанны Ич ишлер министерлигини маълумат бёллюю билдиреген күйде, гетген жума Республиканы ёлларында 14 хатабалагъ болған. Шоларда 3 адам олған ви 15 адам яраптанды. Яраланғанланы арасында уыч яш да бар. Ондан къайры, полицейскийлер артдагъы гюнлөрде машинлерин эсирген күйде гъайдагъан 78 адамны туттъан.

Июн айны 2-нде аманлықыны къоруғынан къурумлар Къызылортағыны көп къабатлы уйлени бири辛勤е квартирин савут этеген цехге айландыргъан 39 Ыыллыкъ ери адамны туттъан. Оғзар къаршы уголовный иш ачылған.

Июн айны 2-нде Докбузара районнан юртларыны бири辛勤е терен ойтанды тюшюп чыгъып болмайған аюв балагъа көмек этгендер. Ери адамлар аркъанлар булан ойтанды

баттъычны тюшюрген. Шо баттъыч булан пайдаланып, аюв «къапгъундан» паразат къутулған ва ойтандан чыкъындоқъ анадаш орманларына багъып къацған.

Тарумов райондагъы бир нече гемелери буланғы «Прогресс» деген акционер къурумға пачалықыны ихтиярына 630 минг манат къоду төләме тюшежек. Гетген жума къурумну ишчилери Каспий денгизде 1718 кило са занын туттъан болған. Тек документлеринде 211 кило туттъаныз деп гёрсетген болған.

Июн айны 1-нде Гоцатль ГЭС-де ярашдырыв ишлер ойткелеген вакътиде ишчилени бириси хапарсыздан 6 метр бийикликден ерге тюшген. Тез етишип гелген врачлар нечакты къаст этсе де, оны оълюмден къутгъарып болмагъан.

Май айны 30-нда Табасаран район суд агъачлықъда 5 эмен терекни гесген ери адамны шарт булан эки Ыылға эркинликден магърюм этген.

Аты да, хаты да халкъына белгили



Абдулгъамит МИЧИГИШЕВ

«Террорчү» Темирхан

Телевидениени ерли шағыар программасы гъар ахшам дегенлей билдирип-бұварып тербейген күйде, коммунал күулукълар учунгъу гъакъланы, айрокъда токгъа, газгъа, исси ва сувукъ сувлагъа гъар ай берилме гек гъакъланы заманында төлемесе, оланы гесме, къайтарма бола. Энни шағыарны хас къурумлары шо коммунал күулукълары учун топланған борчланы аян этмек учун ва тёлевину низамын ёрукълашдырмакъ муратда асувлу қаралар гёрге токташған. Демек, гъакъланы тёлев бир урувгъа, яни, борчлар тёлегинче, гысаллашың центрда оғтерилемек. Тёлемегенлер токдан, газдан, сувдан магърюм къалма бола.

Бир ай да бир гюнге сама артгъа салмай тёлеп турған Темирхан тёлевиню болжалы учь гюнге оғын баралының бек талчыгъып, пенсиясы гелгендокъ, пачалықъ булан гъакълашма токташа. Тёлеген заманындыккінде бары да квитанцияларын да, оғзге тюрлю документлерин де: паспортун, пенсия ва ветеран шағыннамаларын да, хас справкаларын да унутмай мекенли күйде онгарып, гысаллашың центрға онгарыла. Темирхан шағыарны баш орамында ерлешген шо бинагъа гиргендеге, оны ичи балжибин уя үйимик оғындарын тұра эди. Къайсы терезени, къайсы бёлюкню алдына барса да, уллу гезик: теберишив, тюртюшөв. Бу тамазаны гезикде токтата да савлугъу имканлықъ бермей – аякъларындан канты бар. Давну ортақчысыны, загъматны ветераныны шағыннамаларын гөрсетип, ге-зиксиз гирейим десе де, ертетурғанланы көбюсю шо тайпа әрендер ва къатынгишилер. Сонг да, тамаза оғзю де олай къылымындағы адам тюгюл. Шо саялы, заманы да баргъа гёре, гезик де тутуп, Темирхан ягъадагъы алаша гиччи столну къырыйындагъы шанжалда олтура. Столну устьюне къолундагъы пакетин де салып, бу гъарасаттъа, уллу болгъан виеси адамлардагъы къаралав-къабарывлагъа къарап, ойгъа бата. Уллу Ватан давну къагърулу ыллары: атылагъан бомбалар, сыйғырагъан гюллелер, яралыланы ағы-угы авазлары. От-ялын гёз алдына гелип, о ожетли ябушувларда оғын гөрғен къыйынлықълар, шо къыйынлықълардан оғын, бүгүнлөгө етишген ветеранлагъа гылалы жана шылар оғын ичинден ағы урдуда. Бу наслу ичиндегин къыргъа чыгъарып да уйренимеген чи дагъы.

Темирхан шолай ойгъа баттъан мюгълетде бир алаша, къатанкы, башы инбашларына гирип къалған, чонкъга тюшгендей ичке геттеген чачмалардай гиччи гёзлери, башындағы къара шляпасы солпу-солпу уллу къулакъларын басып токтатған тонкъусув гиши де ону къырыйындагъы шанжалда ерлеше. Бираз заман олтурған сонг, о гиши Темирханы столну устьюнде пакетине тиклене, сонг башын бир якъга буруп, къулагъын шо пакетте бакъдырып, аста иелип, эки яндагъылар шекленмейген күйде тынглап къарай. Шогъар да къанмай, къолуну аясын солпу къулагъына көмекчи къалакъ этип, мекенли тынглай –

Белгили журналист Абдулгъамит Мичигишев «Ленин ёлу» газете 1971-нчи йылны 20-нчи сентябринде ишге тюшген ва къыркъ йылдан да көп анадаш къумукъ халкъына къалам булан гъалал къулукъ этген. Россия Федерациины ва Дагъыстан Республиканы маданиятыны ат къазангъан къулукъчусу. Шо заманындыккінде ол халкъыны белгили адамларыны гъакъында көп тюрлю очерклер, макъалалар язған, олардан баянлықълар алгъан. Аслу иши булан бирче Абдулгъамит адабиятны проза тармагъында да чалышған. Оны «Къысгъа хабарлар» деген китабы ва очерклери айры китап болуп чыкъған. Бу йыл Абдулгъамит Шихсултанович тувгъанлы сексен беш йыл тамамланды. Гъакъ юрекден къутлап, савлукъ ва узакъ оғын токтаса да къысгъа хабарларыны бир нечесин охувчуланы тергевиен беребиз.

Я.БИЙДУЛЛАЕВ

шону да не Темирхан, не де оғзегелер эс этмей. Бу гиши, еринден туралу, ари-бери юрюп, къайтара гелип олтуруп, дагъы да бир нече керендер шолай тынглай. Бираздан, аста къыргъа чыгъып, бинаны албетиндеги тамгъа илинген телефон – автоматны къулагъына алып, бир затлар сёйлеп, къайтара бинаны ичине гире. Шо мюгълетде Темирхан еринде къаршы болмай, оны пакети буса столну устьюнде. Бу гъал оғишини бек гъалеклендире.

Тез къайтара барып, дагъы да телефон-автоматны къулагъын гёттере. Бу гезик ол къайтара бинагъа гиргендеге, Темирхан еринде олтуруп табула. Гезик нече де бек аста юрюйгенге ичибушуп, ари-бери юрюп гелип, Темирхан неғызакъ къарсаламақъдан, гелгендени къулукъун күтебиз деп олтурған жагыл-жагыл тишилтапалагъа сёзүн айттып зия этмекни, пайды чыкъмажакъын бек яхшы билип, ол дагъы да ойгъа бата ва оғзю де билмей бир мюгълетте къалғып къала. Муна шо мюгълетде къырда уллу гъарасат, ала-пелекет болуп гете. Шоссагъат бу гъарасат бинаны ичине де етише. Гъалекленив, къавгъа, къычырыкъ, буйрукъ тавушлар бинаны ичин елей. Темирхан буса бетлеринде къара маскалары буланғы ала опуракъ гийген арнавуттай эки улан оғын сермеп-хармап тутгъаны, къолларына бугъав салгъаны билмек де билмей. Эсин жыйгъанда да, гъеч затны англап болмай адап къала.

Гелгенлер, къычырып буйрукъ берип, бинадагъы халкъын барысын да тезлик булан къыргъа чыгъара. Сонг ала опуракълыланы пагонларында уллу юлдузлары буланғы бириши Темирханға:

– Бу пакет сеникими? – деп сорай.

– Воллагъ, дюр. Не эте болса? – дей тамаза.

– Не этегенни онда билерсен. Ал шону къолунга, юрю! – деп, тез Темирханы да алып къыргъа чыгъып, ари тайтып:

– Пакетни ичиндеги недир? – деп сорай офицер.

– Документлерим, квитанцияларым, – деп тутулуп-тутулуп жавап къайтара Темирхан.

– Дагъы гъеч зат ёкыу? – деп къаныгъа оғиши. Темирхан ойлаша, ойлаша, гъеч зат эсіне гелтирип болмай ва:

– Воллагъ, дагъы гъеч зат ёкь деп тураман, – деп жавап бере.

– Къулагъынгы салып тынглап къара чы, сонг билерсен, бармы-ёкыу? – деп тува оғиши.

Темирхан, гертиден де, къулагъын къаплап тынглап къарагъан сонг, эсine гелип:

– Тюз айтасыз, воллагъ, бар, шонда будильник сағыт бар.

– Вот именно! Айт гъали, оны нечеге онгарғансан, нечакъы гючю бар? – деп къаныгъалар.

– Мен уйденин чыгъагъанда чы 10-гъа ярым эди, гъали билмеймен. Сиз пакетни ари-бери чайкъагъансыз чы дагъы. О будильник буса бёттёбен салмаса ишлемей эди. Гысаллашың центрға гелгенде, бир ёл болуп къалып, шону да сағыт устагъа гөрсетермен деп алгъан эдим. Бютюнлей эсимден чыгъып къалған, эливш, – деп, Темирхан ерге ташланған пакетте узатыла.

Шо мюгълетде ала опуракъ гийген маскаларын бириши пырх-пырх деп күлеп ийбере.

– О сизге күлкю тюгюл, бизин шо саялы не-

чакъы заманыбыз гетди. Биз шунда гелгенли аякъ тюпде айланагъан шо гёлемсиз «игит» къайда? Шогъар бир уллу савгъат этер эдик, – деп пагонларында уллу юлдузлары буланғы гиши эки янына къарай. Тек «террорчүнү» юзүн ачған «игитни» тюсү де ёкъ. Ишни гъакъыкъатын англагъандокъ, ол бу ерден ульфюрүлүп къалған экен.

Батдал булан Сатыбал
(Эришиб)

Батдал да, Сатыбал да – айырылmas къурдашлар. Олар көбюсю бирче болалар. Гиччи затны да уллу этип, эришеген гезиклер де аз ёлукъмай.

Бир гюн, къуллугъум болуп, алгъасап баражан. Ажжалгъа-талав үйимик, экиси де, эришетуралу, къаршы болуп къалмасыны! Мени гөрғенде, Батдал:

– Муна Якъупбек, бизге суд этежек, – деп, къолумдан тутуп токтады. Тынгламай гетме күй де ёкъ, атам чакъы гиши.

– Сен билесен чи, – деп сёзүн башлады ол, – бир нече йыллар алда, халкъланы гысабын алывгъа гёре, эренлерден эсе къатынгишилени санаву көп деп токташдырылған эди. Озокъда, о тюз. Тек гъали мени ёравларыма гёре, къатынланы санаву да, эренлени санаву да тенг болма герек.

– Ону сен нечек токташдырып боласан. Аз заманындыккінде эренлер шонча артма боламы? – деп, сёз къошду Сатыбал.

– Бола, болмас айтаманы дагъы! Мен көп ерлерде болгъанман: орамларда да, автобусларда да, поездлерде де көп тергев этип къарайман, гёзлериме эргишилер көп тие, – дей Батдал дагъы да.

– Яңыз сени гёзлеринге көп гёрюнген булан битип къаламы, оланы санап чы къара-магъансан, – дей Сатыбал.

– Муна, къара, шо барагъан дөртөнүү, бизге къаршы гелеген экевнүү, гъона, шовву уьчевнүү ...къайсын бирин айттайым, гёремисен, барысы да уланлар, – дей Батдал.

– Яхари, Батдал, сен тайышгъанмысан? Олар чы барысы да шалбарлар гийген, башларында тюклерин де артдагъы модагъа гёре къысгъартгъан къызлар. Сен тюрлю адамсан, аллагъакъчун, мода, уюнгылымагъыр, мода! – дей Сатыбал.

– Не мода? Дюр мода! Мода деп айттып нени буса да этеми? Къатынгиши къатынгиши кююнде турма герек. Мен шо модачы къызлагъа «мыныкъызыз уланлар» деймен. Муна, шогъар гёре де, эргишилени санаву да артгъан, – деп, Батдал енгилмей.

– Пий, олыгенелеге – ажжал, воллагъ, шу гиши тайышгъан! Ва сени уюнгө будай явгында адамы, шалбар гийген булан эргиши болуп къаламы? Олай болгъанда, узун чач къойгъан уланлагы да къызлар деп айтма тарыкъмы дагъы? Аллагъисен, Якъупбек, къарасана шу айтагъан затгъа, тюзмю шо? – деп, Сатыбал гъалекленип йибергенде, буланы эришивлююне баш къошма скюмей, бир бағыналар этип, неғызакъ гетген заманыма да талчыгъып, ёлума тюшдюм. Эки де къарт буса дагъы да эришетуралу къалды.

Бир гюн де сакъламас эдим

Таягъына таянып, акъсакълайгъан ювугъу Батдалгъа Сатыбал:

– Не болгъан? Неге акъсакълайсан? – деп сорай.

– Не болсун: бир пысгъыл къатын посагъасындан туралу абзаргъа сепген сув бузлап болгъан гиленк бузда сырғылап йыгъылып, омуравдан бутум чыкъма аз къалды, – деп жавап бере.

О ишни арив гёргемен Сатыбал:

– Оғы, уюу йыгъылмасын оны, нени буса да этеми? Шолай къатынны уйде бир гюн де сакъламас эдим, – дей.

– Олай болгъанда, бир де къарама, барып айыр къатыннынгы, – дей Батдал да.

Адабият бёлюк.

Ибрагим – гележеги бар кочап

Къяягент районлу кочапланы артдагъы 15-20 йыл республика, бютюнрессия, халкъара халчаларында етишген устьюнлюклери яхши белгили. Яңғыз Нариман Исрапиловну, Ильяс Бекболатовну атларын айтсакъ да таманлықъ эте. Бугюн олагъа ошамакъ, на-тижаларын тақрарламакъ муратда минглер буланғы районлу охувчу яшлар оызлени тренерлери де булан къасткъылыш, халчаларда тер төгөп ишлейлер. Къяягент, Яңғывикъри, Первомайское, Яңғыкъяягент, Башлы якъдагъы юртларда иш айрыча яхши салынгъан.

Юрту тренерлени гъа-ракаты булан яш кочаплар Магъаммат Магъамматов, Магъамматамин Бекболатов, Арслан Мирзаев, Ма-гъамматъажи Къазаватов, Муса Пайзуллаев, Агымат Ибрагимов, Багъавутдин Алибеков, Зугъум Арслан-гереве республика, бютюнрессия ярышларында гёрмекли устьюнлюклеге етишген. Магъамматамин Даадаев, Муса Пайзуллаев, Магъаммат Магъамматов, Ибрагим Къадиев юрт школада охувун тамамлап тахшагъарыбыз Магъач-къалагъа гёчген ва онда спортну сойген журасы булан машгъуллар.

Пагъмулу яш кочапланы бириси Ибрагим Къадиевни тамурлары Гүсемегент юртдан. Спортну тутушуп ябу-шув журасын ол 6 йылында сайлагъан. Залгъа

муна атасы Магъамма-трашит гелтирген. Ибра-гым уллусу къардаши Гъажакъай булан ерли тренер Зубайругужаи Ке-римхановгъа язылгъан.

Арадан 3-4 йыллар оытюп тренерни ва яш-ланы аралыкълары ёрукъгъа тюше. Биринчи натижалар арагъа чыгъа башлай. Оырге ёл алгъан-ланы башында агъа-ини Гъажакъай ва Ибрагим Къадиевлер биринчилерден болду. 2017-нчи йылда Ибрагим Къадиев 42 кило авурлукъда охувчу яшланы арасында республика чемпионатында 3-нчи ерге ес бола. Артдагъы йыл шо натижаны 48 кило авурлукъда, 2021-нчи йылда буса 71 кило авурлукъда тутуша туруп гертилей. Шо йыл ол ерли орташколаны охуп битди-ре, Магъачкъалагъа оху-



магъа тюше ва тутушуп ябушувну А.Садулаевни атындағы школасында белгили тренер Элдар Нажмутдиновну башчылыгъы булан уйренивлер этмеге башлай. 2023-нчу йылны апрель айында Ибрагим Къадиев 20 йыл битмегенлени арасында 79 кило авурлукъда Россияны чемпиону деген атгъа ес бола. Шо йыл ва артдагъы йыллар 21 йыл битмеген яшёрюмлени арасында Дюнья чемпионатына бармагъа ва эки гезик дюньяны чемпиону деген ортада ол атгъа ес болмагъа бажарған. 2024-нчу йылда ол уллуланы

оър даражада оытгерди. Ону Россияны алдагъы йылында болгъан ярышларында устьюнлю ту-тушгъан дагыстанлы кочап Аматула Расулов буланғы ёлугъувун тутушуп ябушувну сюеген-лер кёп сююп къаравул-лагъан эди. Ярышлары оытгереген далапчылар биринчиликни къазан-гъан кочапгъа 500 минг манат акъча савгъат гъазирлегени эки де кочапны ёлугъувъа дагъы да бек иштагъландырды. Тогъа-тартыв тюз, эки де якъыны хатирине тиймей таза оыт-дю. Натижа – 12:4 санавлар булан Ибрагим Къадиев утмагъа бажарды.

Июннү 28-нде Москвада тутушуп ябушувдан Рос-сия чемпионаты оытгери-лек. Ибрагим Къадиев тренери булан шолагъа тындырыкълы газирлене. Ярышларда усть болгъан кочап сентябр айгъа бел-гиленген дюнья чемпио-натына баражакъ. Жагъиль кочабыбызгъа уллу умут-ларына етмекни тилейбиз, устьюнлюк ёрайбыз!

**Магъамматрасул
ИБРАГИМОВ,
Къяягент район**

Яхши усталыгъын гёrsетген



Тахшагъарыбыз Магъачкъалада Украина бойда юрюлеген хас асгер гъаракатда ортакъылыхъ эте туруп жан берген, оылген сонг Къоччакъылыхъ орден булан савгъатлангъан Нустапаев Гъамзат Магъамматъажиевични эсделигине багъышланып ябушувну грек-рим журасындан яшланы арасында республика турнир оытгерилиген.

Халимбекавул юртну командаша шо ярышларда оызлени оър даражада гъазирлиги барын, устьюнлюк къазанма ба-жаргъан. Бири-бириндөн озуп устьюнлюкке ес болма гъасиретлиги булан халчагъа чыгъагъан гъар яш кочап бары гючюн ва усталыгъын къоллап, ал-дынлыкъын алма бажар-гъанлар.

Шолай, тюрлю-турлю авурлукъларда гюч сыйнагъан халимбекавул-

лу кочаплар Мухаммат Арацханов, Умар Атаев, Атагъажи Алиев, Мухаммат Даитбеков, Наби Къагъиров – 1-нчи, Умар Арацханов, Абдулмалик Жанакъаев, Мухаммат Арсланов, Мухаммат Алиев – 2-нчи, Мухаммат Жамалутдинов, Зайнала-бит Хамаев, Имамутдин Гъажакъаев, Алхас Далгъатов, Арслан Алиев, Али Алиев – 3-нчу ерле-ни къазангъан.

Яш кочапланы эсге-

Теннис оюндан ярышлар

Буйнакск райондагъы Буглен юртну спорт къа-ласында теннис оюндан районну алдынлыгъы учун ярышлар оытгерилиген.

18 йыл чагъындағы къызлары арасында къыстайлуп күйде юрюлген уйчешивлерде Бугленни вакиллери алдынлыкъынан къолдан чыгъармай сакълагъан. А. Хасболатова инг яхши ойнайғанын гёrsетип алтын медальгъа ес-

болгъан. Экинчи ерге Н.Хасболатова, уйчончу ерге буса Я.Сепиханова лайыкълы болгъан.

Уланланы арасында Чиркей юртну теннис оюнчулары бажарывлу-лугъун гёrsетип устьюн-люк къазандылар.

Казим Къагъруман.



ЭКИ ЯР

«Бири – Сагитни яры, бириси – Экинни яр»



тап Республиканы маданиятыны ат къазангъан къуллукъчусу, «Ватанны алдындағы къуллукълары учун» деген экинчи даражалы орден булан савгъатланған. Шаиризини «Эки яр» деген балладасын охувчуланы тергевюне беребиз.

Узлипам ИБРАГЫМОВА

Дюньядай генг гёрюне
Чакъалы бет, къакъа тар.
Если затлардан магъа
Эсде къалгъан Эки яр.

Бири – «Сагитни яры»,
Бириси – «Экинни яр».
Бу бойларда батылгъан
Яшдагъы яшлыгъым бар.

Тавлар, тавну таяву,
«Чанкабет» боюн – башлыкъ.
Яда олар даймге
Бергендер, магъа яшлыкъ.

Ярланы устю къая,
Тюбю ташлыкъ, эни генг.
Ярлар чартлап, ярылып,
Ичинден чыкъганман мен.

Яда кимлер ачдыкен
Тартып эки де ярны?
Билгендер ортасында
Мени сюювом барны.

Гюн тиймес Къакъа бойгъа
Ярыкъ юлдузум ягъып,
Мен дюньягъа гелгенмен
Сюювом ташып, агъып.

«Чакъалы бет» – гъайлеким,
«Чанкабет» – япу болгъан,
Къакъаны авзу айтмагъа,
Къангалы къапу болгъан.

Къаршы тав чар чилледен,
Тагъымчакълар ойгъандай,
Тюрлю ташлардан тишлип,
Тюрлеп атым къойгъандай.

Тавлар гъайлеке салгъан,
Ай асырап, гюн чайгъан.
Гъюю къызылар устюме
Гёнгюл гюлмелли яйгъан.

Тереклер тизилишип,
Бав болгъан мени учун,
Атабыз тёшеп салгъан
Женнет емишден ичин.

Эсимде, бавбуузгъа.
Къалгъаным бавчу болуп,
Баълибизге бозаргъан
Яшлагъа давчу болуп.

Атъялмандай тагъылып,
Терек башгъа, бутакъга.
Уру гелген яшланы
Къувагъаным якъ-якъга.

Къакъаны янгыртадыкъ
Той этип, къувун салып.

Узлипам Ибрагимова 1944-нчю йылда Къарабудағыгент районну Къакъашура юртунда туvgъан. Шаир ва журналист. Район газетни адабият къуллукъчусу болуп ишлей туруп Дағыстан пачалыкъ университетни филология факультетин охуп битдирген. Ол «Яшлыкъны тавушу», «Гюлперим», «Сөнмейген от», «Шамчыракъ», «Гъасиретмен яшавгъа», «Юлдүзлү ёллар» деген шиъру китапланы автору.

У. Ибрагимова Россияны язывчуларыны ва журналистлерини союзларыны члени, Дағыстан союзларыны ат къазангъан къуллукъчусу, «Ватанны алдындағы къуллукълары учун» деген экинчи даражалы орден булан савгъатланған. Шаиризини «Эки яр» деген балладасын охувчуланы тергевюне беребиз.

Я. БИЙДУЛЛАЕВ

Къол арбаланы тёшеп
Геле эдик гелин алып.

Иннырда яшлар этген
Эсимде ташдан уйлер.
Къалкы башдагы тойда
Ойнап бийиғен күйлер.

Эсимде сююв кагъыз
Гёзъяш тёгүп охугъан.
Гъислер къанатын яйып,
Уятгъаны юхудан.

Эсимде, ят яш гелип
Яшавумдан алгъаны.
Баш сюювом етишмей
Бозлай туруп къалгъаным.

Эсимде, шо болгъан той
Ойкүртеген Къакъаны.
Ташланагъан айшабаз,
Гъисабында чакъаны.

Эсли затлардан магъа
Эсде къалгъан эки яр.
Бири – «Сагитни яры»,
Бириси – «Экинни яр».

Сав дюньяны гёредим
Эки де ярдан къарап.
Яшавумну безеди
Олар яхшылыкъ ёрап.

Эсимде, ер чайкъалып,
Элине къопгъан явгъа.
Дёрт уланы атамны
Шондан гетгени давгъа.

Эсимде, «Белгисиз» деп
Гелген авур кагъызлар.
Ана бетин гечеден
Алгъаны къайгъы гызылар.

Эсимде кебип анат
Къысгъан ойлу гёзлери.
Тебип юрекни къабын
Чыкъгъан авур сёзлери.

«Аявлу балаларым»,
Не ерлерде къалдыгъыз,
Анагъызгъа гёттерме,
Авур намус салдыгъыз.

Кёклерде учгъансыздыр,
Ойзен сувларда агъып.
Не ерде жан бердигиз,
Ала гёзлерден бағыпп?

Яз булан гетсегиз де
Ана жанын паралап,

Сиз къайтмайсыз, яз къайта,
Явъюрегим яралап».

Эсимде анабызын
Туз гёзяшына юзюп,
Охуйгъаным яшлагъа
Танг къатдырып, йыр тизип.

«..Айтыхыз анабызын
Нечик гёңгюн алайым,
Оыртенли юргенин
Не басдырыкъ салайым?

Гетген гюню етишсе
Отлардан гийип гёлек,
Толкъунлангъан денгиздей,
Анабыз авур, гъалек»...

Эсимде, эки уланы
Давдан сакъат къайтгъаны.
«Яшланы анам, элге
Тапгъанман» – деп айтгъаны.

Эсимде, уллу стол
Ясалгъан гъар - бир заты.
Айланадагы бизге
Атаны насиғъаты.

Эсимде, заман гетип
Къанатланып къушлары,
Яшавну яшнатмагъа"
Этек чалгъан яшлары.

Айлар гетди, йыл оытдю
Ишлеп уруп там сагъат.
Болуп оытген затлагъа
Шо эки де Яр шагъат.

«Сагитни яры» энни
Юртну тёшю, къуннагъы.
Эсге сала шо ярлар,
Яшлыгъымны мундагъы.

Эсге геле, шо тезде
Юртгъа савбол этгеним.
Къысмат шолай буюруп
Ата юртдан гетгеним.

Гетсем де, къайтагъаным,
Гъар ахшам юлдуз болуп.
Яшагъаным юрт булан
Юрек сююнчден толуп.

Эсимде, гъар къаттыгъон
Къазангъа яш эт къакъал
Бозарып болагъаны
Атам — анам ёл сакъал.

Эсимде танг къатдырып,
Хабарлайгъан гечелер.
«Оразлылар» деп къарап,
Оытегени нечелер

Эсимде, тав араны
Гёнгюн тарлыкъ алгъаны.
Атам-анам дюньядан
Гетип-гетип къалгъаны.

Эснеп эссиз боламан
Боюмну бойлап ойлар.
Гъали алдындай тартмай
Мени шо къакъа бойлар

Не гъайран алдын йимик
Гече гетип къалмайман.
Шаршардай сувларындан
Неге леззет алмайман?

Неге айланмай тирмен
Суву авазсыз агъа.
Сёнген чечекни йимик
Гёрюне Къакъа магъа.

Эсге геле оытеген,
Вакътилер яшмын ташлап.
Къакъаны ичи болады
Балжибин четенге ошап.

Шо ярлардан артланып
Яшлыгъымны сюргенмен.

Гюзлерин, язбаш йимик,
Къышын, яздай гёргенмен

Энишинден сырғылап
Арып-талып оырюнде,
Яшлыгъым эркеленген
Бу Ярланы тेңүнде.

Дюньяда гёзелликке
Баш болагъан черине.
Шолай гёzel якъ магъа
Энни жансыз гёрюне.

Эсге геле, бавдагы
Гъайлек тахны устьюнде,
Атабыз яшларына
Сёйлейгени кюстюнде.

«Адамлар къонакълардай,
Геле-гете дюньягъа.
Мен де гетме герекмен,
Заман етишген магъа.

Юз йыл яшадым, таман
Гъали гетейим рагъат.
Шюокюр болсун худайгъа,
Сизден юрек паражат.

Шашып башбавдан чыгъып,
Этмедиғиз илыкъ да.
Осдююз, гъар биригиз
Герти, адам къылышында.

Юз йыл оымор сюргенмен
Къавшалып, арып, талып.
Яшагъанман халкъ булан,
Эл булан, тыныш алып.

Сююнчлерден сююнуп,
Оылген булан оылгемен.
Гъар хабагъан ашымны
Елдашыма бёлгемен.

Яшагъанман яшавда
Яманға салмай атым.
Алмагъанман гишини,
Не сёзүн, не налатын.

Сиз де шолай къалар деп
Уллу умут этемен.
Адамлыкъдан чыкъмас деп
Рагъатланып гетемен.

Адамлыкъдан чыкъмагъыз,
Загъмат терде батыгъыз,
Ортакъ ишде бел бюгюп
Эл макътасын атыгъыз!».

Эсимде, атабызын
Лап артда айтгъан сёзү,
Къарап гъар бирибизге,
Сонг, юмгъан эки гёзю.

Эснеп эссиз боламан,
Боюмну бойлап ойлар.
Неге тартмай алдындай
Мени шо къакъа бойлар?

Бар эди бир заманлар
Къуру эдим явунда.
Бу янлар жанлы эди
Атам - анам савунда,

Тереклени башлары
Аврув тийгенде йимик.
Бу якълар ата - анама
Къара гийгенде йимик.

Пашман бир сыры бардай,
Оылченмен, бичмен,
Сайки шо заман гийген,
Къараларын чечмен.

Эки де Ярдан энни
Яшасам да арекде.
Шонда оытген яшлыгъым
Яшай бирче юрекде.

Не сюемен шолардан
Ата юртгъа бакъмагъа.
Эки де Яр гюч бере
Къанатларым къакъмагъа.

Адабият бёлюк.



№21 (169)

Айланагъа шатлықъыны ва аривлюкню гелтиреңен ай

Гечеден сонг гюндөз болагъандай, яздан сонг яй геле. Йылны шо заманын яшлар чы нечик де жанлар да, күшлар да, гъатта оьсюмлюклерде гёзлөй. Яйда исси бола, гечеден эсе гюндөзлени заманы уллу бола. Айлана якъ яшыллыкъдан, чечеклерден, гюлларден тола, яшлар оланы устюнден учуп айланагъан гюмелеклерден сююне ва таза гъавада кёп гезейлер. Айланадаңы иссилик оъзенлөгө ва сувлагъа да геле, яшлар киринип гёнгюн ачалар.

ЯЙ! Гёресиз, яшлар, шу эки гъарт айланагъа гелтиреңен шатлықъыны ва аривлюкню. Яйда

яшланы савлугъун болдурмакъ, тамаша ерлөгө бармакъ, юртунгну айланып геземек учун бары да имканлыкълар бар. Артдагъы вакътилерде школаларда да гюндөз турагъан лагерлер ачыла. Яшлар шоларда оюнлардан къайры, оъзю сюеген иш яда спорт булан машгъул болма, билимлерин артдырма, савлугъун беклешдириме, оъзлер учун гиччи байрамлар этме, бир ерге экспурсиягъа барма чола табалар.

Яшлар, йылны сиз инг де кёп сюеген заманы гелди, шондан толу күйде пайдаланыгъыз.

• Адабият

Гебек КЪОНАКЪБИЕВ

Инишииме 5 йыл бола

Не тез гетди бу заман,
Инишииме беш бола.
Гъар йыл ол оьсе туруп,
Уллу-уллу яш бола.

Сагъа гъали беш бола,
Бармакъларыдай къолну.
Алдынгда кёп ёллар бар,
Сайла бирина беш ёлну.

Юлдузланы да бола,
Лым янагъан беш учу.
Юлдуздай янып тургъун,
Къолунгда болуп гючю.

Аврумайлы оьсюп тур,
Ананга кёмекчи бол.
Къайсы якъгъа барсанг да,
Сагъа ачыкъ болсун ёл!

Оьмюрлю-насипли бол,
Даим сююньюп яша.
Атанг-ананг насипли,
Шолагъа сен де оша.

39 МИНГ ЯШ ЯЛ АЛАЖАКЪ

Дагъыстанны Гъукуматыны Председателини орнунбасары Муслим Телякъавов артда оьтгерген жыйында яшланы ял алывуна ва савлугъун беклешдирив масъалалагъа къарады. Шонда биринчи болуп яшлар ял алма герек лагерлени гъалы гъакъда англатыв берди.



Ол билдириген күйде, бу йыл 229 яйлыкъ лагер ишлөжек ва шоларда 39 минг яш ял алажакъ. Бу йыл яшланы яйлыкъ ял алывунда бир тюрлю алмашынывлар болажакъ. Гъар лагерни оъзюнью сайты

болажакъ, шоларда Россияны билим берив министерлигини яшлар ял алагъан күйюн нечик оьтгерме гереклиги гъакъындағы ва шоланы кютюв нечик юрюлегенин гъакъындағы маълумат-

лар язылажакъ. Демек, шонда язылгъан күйде ял алыв юрюлмесе, ёлбашчылар жаваплыкътъа тартылажакъ.

Санитар ва от тюшовден якълав масъалалагъа да айрыча тергев берилежек.

Дагъыстанны билим берив ва илму министри Ягъия Бучаев билдириген күйде, «Солнечный берег» деген 120 яшгъа ери булангъы Республика билим берив центр, «Орлёнок», «Костёр» ва «Планета» деген лагерлени ярашдырмакъ ва яйлыкъ ял алывгъа гъазирлемек учун 28,6 миллион манат харжлангъан.

4 тюрлю муниципал есликдеги лагер де республиканы еслигине чыкъыгъан.

Тергевлер этилген күйде, май айны ахырына лагерлени барысы да яшланы къабул этме гъазир.

Гючлю яш

– Мен инг яман яш тюгюлмен,
Атам сен болма гъёкюнчлю.
Класгъа менден де артыкъ
Абдулгъамит гелди гючлю.



– Абдулгъамит, шо арыкъ зат,
Бойлугъудай болгъан парта?
– Гъар дарсда экилер алып,
Сав класны артгъа тарта...

Г. БЕК

Уллулар да, яшлар да

Гиччи яш оьтюп барагъан машине къол гётере. Машин токътай.

– Агъай, школагъа етиштирсе-гиз ярамаймы? – деп тилей.

– Мен башгъа янгъа бараман,
– дей гъайдавчу.

– Олай буса дагъы да яхши, –
деген охума сюймейген гиччипав.

– Атанга нече йыл бола? – деп сорай муаллим Алишкагъа.

– 8 йыл, – дей ол да.

– Сагъа бола 8 йыл чы, – дей яш муаллим.

– Мен тувгъандан сонг болгъан чы ол ата, менден алда ол улан болгъан, – деген Алишка.

Бетни гъазирлеген
Гебек КЪОНАКЪБИЕВ.

konakbiy61@mail.ru

Яшланы гёнгю ачылды



деген паркларында да оьтгерилди. Бары да ерлерде музика эши-тиле, яшлар учун белгилли йыравлар оъзлени пагъмусун гёргесете, тюрлю-тюрлю оюнлар оьт-гериле, гъатта яшлар аш этив конкурсларда ортакъылкъ этме болдулар.

Шулай шатлықълар яшланы гёнгюн ача ва кёп замангъа эсде къала.

Стадионну бир боюнда яшланы арасын-дагъы спорт оюнлар оьтгерили. Мунда олар оъзлени гючюн сынады, айрыча къаст этгенлөгө Кубоклар, медаллар ва багъалы савгъатлар берилди.

Аталары хас астер гъаракатда ортакъылкъ этеген яшлар булан бирге, шонда гечингенлени яшларына тергев артыкъ эди. Шо-

лай да етим яшлагъа, яшаву осал агълюдегилеге де кёмеклер этилди. Шатлыкъны Корголи Корголиев шолай ишлер янгыз байрам гюнлөрде тюгюл, дайынде этилежекни билдириди.

Байрамча гёрюньюшлар шатлыкъны уллу паркында, «Грозненский» ва «Водник» деген микрорайонларындағы «Ялово» ва «Фемили»

Яшлар бавлары ачылды

Июн айны 2-синде, Буйнакск районну Тёбен Къазаныш юртунда гъалиги заманны талапларына гёре ишленген уллу ва арив бинада бирдагъы янги яшлар баву ачылды. Санав янындан - бу учюнчюсю.



Къазаныш йыл сайын оьсе, дагъы да уллу бола. Бир башы шагъаргъа, бириси де Оър Къазанышгъа тийген. Узуну 10 чакъырымдан аз тюгюл. Янги къурулгъан «Энемжая» деген яшлар баву, къазанышлыланы социал

оьсов тармакъда яшавун яхшылашдыра туруп, федерал, республика программалагъа гёре яшавгъа чыгъяралагъан бирдагъы бир гёrmекли иш.

Яшлар бавуну ачылывунда ортақчылыкъ этди ва чыгъып

* * *



яшавгъа чыгъяривгъа Дагъыстанны Башчысы С.Меликов да кёп тергев бакъдырагъаны эсерди. Бу эки де шатлы агъвалатлар яшланы якълавну Халкъара гюнүнен багъышлангъаны да айтды.

Буйнакск район администрациины башчысыны борчларын күтеген Г.Халимбеков оъзюно сёйлевүнде билдиргени ийимик, буссагъат районда Къарамахи юртда янги школаны ва Чиркей юртда бирдагъы яшлар бавуну

сёйледи Дагъыстан Республиканы Гъукуматыны Председатели заместители Абдурагъман Магъмудов, Дагъыстан Республиканы загъмат ва социал якъдан оьсов министри Магъаматзагыт Кихасуров, Дагъыстан Республиканы Халкъ Жыйыныны Председатели заместители Руслан Ибрагимов, Дагъыстан Республиканы билим берив министри 1-нчи заместители Айда Дағытатова, Буйнакск районну администрацияны аппаратыны начальниги Элдар Гъасанханов.

Бу янги ачылгъан яшлар бавунда 90 яшгъа ер бар. Идaranы абзары, гиччи яшлар ойнайгъан, юхлама ятагъан уйлери, ашайгъан ую бек арив мукъиятлы къайдада тизилип онгарылгъан. Гъар тюрлю чараплар оътгермек учун уллу залы да бар.

Максим ЭСЕНБИЕВ.

ЯНГЫ КИТАП

«Тюрк ва монгол халкъланы поэзиясы ва прозасы»

Россияны милли адабиятын якълайгъан программагъа гёре, 2 йылда бир керен Москвада тюрлю-тюрлю миллетлени вакиллерини асарлары антология этилип чыгъырыла. Бираз алда Бириккен гуманитар издательства «Тюрк ва монгол халкъланы поэзиясы ва прозасы» деген гезикили антология чыкъды. Шонда къумукълардан Дагъыстанны халкъ шараплери ва язывчулары Агъмат Жачаевни, Шейит-Ханум Алишеваны, Багъавутдин Гъажиевни, Гебек Къонакъиевни, шолай да Бадрутдин Магъамматовну, Агъмат Устархановну, Яраш Бийдүллаевни, Супиянат Мамаеваны ва Багъавутдин Самадовну асарлары ерлешдирилген. Инг де ташасы, антологияда ерлешдирилген асарлар орус тил булан янаша ана тилде де бериле.

Шо китапны малим этив Москвада Къызыл майданда китап фестиваль булан бирге оътгериле ва язывчуланды, шараплени, художниклени, музыкантлани, тиллени ахтарывчуларын къуршай. Бу антологияда ерлешдирилген 18 милли тилдеги 1991-нчи йылдан сонг язылгъан асарланы инг де бажарывлу таржумачылар гёчюрген.

Бизин маълумат.

- Халкъ авуз яратывчулугъундан

«Мен де бир күй билгенмен...»

Бир тул къатынны бир уланы болгъан. Шо яш бир экмекни яртысын къолуна альш чыгъа болгъан. Анасы яшни эбинден гелип болмай экмекни юкъкъа, чапелек ийимик этип тастымалгъа чырмап къоягъан бола. Яш ач болуп экмек алмагъа къаrasа, олар чапелек ийимик. Ол сав бир чапелекни бюклеп-бюклеп къойнана салып шулай йырлагъан:

Анам да бир күй билген,
Экмекни юкъкъа этеген.
Мен де бир күй билгенмен,
Бюклеп, тыгъып гетеген.

Абдулгъаким Гъажиев.

СЛУЖБА ПО КОНТРАКТУ НОВЫЕ УСЛОВИЯ

**Выплаты
от 1,5 млн ₽***
**Зарплата
от 210 тыс ₽**

500 т.р. - РД, +500 - РД через Полк резерва,
400 т.р. - РФ, от 100 до 400 т.р. - от муниципалитета

117 фед.
номер

Пункт отбора по РД
8 (989) 484-69-95

